




笈注蒙求

上



蒙求箋註例引

一李瀚蒙求纂古人言行美惡。蓋叙列其事類者兩兩相比。以韻語舉其標題。使易諷誦。而記徐子光補注。補其所不詳。舊本多誤謬。近歲新刻本稱改正焉。而十纔一二耳。今据本書。悉是正其誤謬。字譌舛。然經史子集正文。非童蒙之所易解也。故為之箋注。以便童蒙。

一史漢有各家注。取其切乎事。字義脗合者。如漢書多取顏注是也。

一蒙求所纂有出於正史之外者。如謝承後漢書。王



隱晉書其事多見于世說劉義慶注新刻本據世說注刪落舊本文殊不知世說取風旨於片言隻語故所引證亦掇其要簡省其事蒙求則事實詳為主李良所謂注下敷演者即是已豈可刪落哉今仍舊本補之以復其舊

一新刻本考例云文獻通考藝文部載蒙求三卷按文獻通考無藝文部經籍考小學部載蒙求是日未睹其書而杜撰引證其所考亦可知已

岡白駒識

薦蒙求表

饒州刺史李良上表

臣良言臣聞建官擇賢其來有素抗表薦士義或可稱爰自宗周逮茲炎漢競徵茂異咸重儒術竊見臣境內寄住客前信州司馬倉參軍李瀚學藝淹通理識精究撰古人狀跡編成音韻屬對類事無非典實名曰蒙求約三千言注下轉相敷演向萬餘事瀚家兒童三數歲者皆善諷誦談古策事無減鴻儒不素諳知謂疑神遇司封員外郎李華當代文宗名望夙著與作序云不出卷而知天下豈其蒙求哉漢朝王子淵製洞簫賦漢帝美其文令宮人誦習近代周興嗣撰千字文亦頒行天下

豈若蒙求哉。錯綜經史，隨便訓釋。童子則固多弘益，老成亦頗覽起予。臣屬忝宗枝，職備藩扞，每廣聽遠視，採異訪奇，未嘗遺一才蔽片善，有可甄錄，不敢不具狀聞奏。陛下察臣丹誠，廣達四聰之義，令瀚志學開獎善之門，伏願量授一職，微示勸誡。臣良誠惶誠恐，頓首頓首，謹言。天寶五年八月一日，饒州刺史李良上表。

蒙求序

安平李瀚著蒙求一篇，列古人言行美惡，參之聲律，以授幼童，隨而釋之，比其終始，則經史百家之要，十得其四五矣。推而引之，源而流之，易於諷誦。

形於章句，不出卷知天下，其蒙求哉。周易有童蒙求我之義，李公子以其文碎，不敢輕傳，達識者所務訓蒙而已。故以蒙求為名，題其首，亦每行注兩句，人名外傳中有別事可記者，亦此附叙之。雖不配上文，所資廣博，從切韻東字起，每韻四字，凡五百九十六句，云爾。

子光序

前言往行，載在經史，炳若丹青，然簡編浩博，未易研究，非真積力久，莫能撮其要。唐李瀚搜羅載籍，采古人行事，著為蒙求，揣議聲韻，以類折偶，剪剔煩蕪，摛擷精英，事跡粲然，班班可攷，其於屬辭備

閱不為無補矣。然鮮究本根類多舛訛。覽者病焉。豈瀚之所載然歟。抑亦後世傳襲之誤也。予嘗嘉其用意。而惜其未備。於是漁獵史傳。旁求百家。窮本探源。撫華食實。太抵傳記無見。而語淺謬妄者。就如如是。正至於載籍之中。間有故實可以槩舉者。仍掇其一二大者附焉。庶幾昭然若日星之麗天。煥然可觀。命曰補注。將以備遺忘。而助討論。不亦文範之捷徑歟。時己酉仲冬之月辛卯吉日。徐子光序。

箋註蒙求卷上標題

- | | | | |
|---------|------|---------|------|
| 一 王戎簡要 | 裴楷清通 | 一 孔明卧龍 | 呂望非熊 |
| 二 楊震關西 | 丁寬易東 | 三 謝安高潔 | 王導公忠 |
| 四 匡衡鑿壁 | 孫敬閉戶 | 四 郅都蒼鷹 | 甯成乳虎 |
| 五 周嵩狼抗 | 梁冀跋扈 | 六 郝超髯參 | 王珣短簿 |
| 七 伏波標柱 | 博望尋河 | 八 李陵初詩 | 田橫感歌 |
| 九 武仲不休 | 士衡患多 | 十 桓譚非讖 | 王商止訛 |
| 十 嵇呂命駕 | 程孔傾蓋 | 十 劇孟一敵 | 周處三害 |
| 十一 胡廣補闕 | 袁安倚賴 | 十一 黃霸政殊 | 梁習治最 |
| 十二 墨子悲絲 | 楊朱泣岐 | 十二 朱博烏集 | 蕭芝雉隨 |

^{十四}杜后生齒 靈王出鬣 ^{十五}賈誼忌鵬 莊周畏犧

^{十五}燕昭築臺 鄭莊置驛 ^{十六}權靖二妙 岳湛連璧

^{十七}卻詵一枝 戴憑重席 ^{十八}鄒陽長裾 王符縫掖

^{十九}鳴鶴日下 士龍雲間 ^{二十}晉宣狼顧 漢祖龍顏

^{廿一}鮑靚記井 羊祜識環 ^{廿二}仲容青雲 叔夜玉山

^{廿三}毛義奉檄 子路負米 ^{廿四}江革巨孝 王覽友弟

^{廿五}蕭何定律 叔孫制禮 ^{廿六}葛豐刺舉 息躬歷詆

^{廿七}管寧割席 和嶠專車 ^{廿八}時苗留犢 羊續懸魚

^{廿九}樊噲排闥 辛毗引裾 ^{三十}孫楚漱石 郝隆曬書

^{卅一}枚臯詣闕 充國自贖 ^{卅二}王衍風鑒 許劭月旦

^{卅三}賀循儒宗 孫綽才冠 ^{卅四}太叔辯洽 摯仲辭翰

^{卅五}山濤識量 毛玠公方 ^{卅六}爰盎卻坐 衛瓘撫牀

^{卅七}于公高門 曹參趣裝 ^{卅八}庶女振風 鄒衍降霜

^{卅九}范冉生塵 晏嬰脫粟 ^{四十}詰汾興魏 鼂令王蜀

^{四十一}不疑誣金 卞和泣玉 ^{四十二}檀卿沐猴 謝尚鴈鵠

^{四十三}太初日月 李野陽秋 ^{四十四}荀陳德星 李郭仙舟

^{四十五}王忱綉被 張氏銅鈎 ^{四十六}丁公遽戮 雍齒先侯

^{四十七}陳雷膠漆 范張雞黍 ^{四十八}周侯山嶷 會稽霞舉

^{四十九}季布一諾 阮瞻三語 ^{五十}郭文遊山 袁宏泊渚

^{五十一}黃琬對日 秦宓論天 ^{五十二}孟軻養素 揚雄草玄

^四向秀聞笛 伯牙絕絃 ^四郭槐自屈 南康猶憐

^四魯恭馴雉 宋均去獸 ^四廣客蛇影 殷師牛鬪

^四元禮摸楷 季彥領袖 ^四曾褒錢神 崔烈銅臭

^四梁竦廟食 趙溫雄飛 ^四枚乘蒲輪 鄭均白衣

^四陵母伏劍 軻親斷機 ^四齊后破環 謝女解圍

^四鑿齒尺牘 荀勗音律 ^四胡威推縑 陸績懷橘

^四羅含吞鳥 江淹夢筆 ^四李歆清貞 劉麟高率

^四蔣詡三逕 許由一瓢 ^四楊僕移關 杜預建橋

^四壽王議鼎 杜林馭堯 ^四西施捧心 孫壽折腰

^四靈輒扶輪 魏顥結草 ^四逸少傾寫 平子絕倒

^三澹臺毀壁 子罕辭寶 ^三東平為善 司馬稱好

^三公超霧市 魯般雲梯 ^三田單火牛 江迫熟雞

^三蔡裔隕盜 張遼止啼 ^三陳平多轍 李廣成蹊

^三陳遵投轄 山簡倒載 ^三淵客泣珠 交甫解佩

^三龔勝不屈 孫寶自劾 ^三呂安題鳳 子猷尋戴

^三董宣彊項 翟璜直言 ^三紀昌貫虱 養由號猿

^三馮衍歸里 張昭塞門 ^三蘓韶鬼靈 盧充幽婚

^三震畏四知 秉去三惑 ^三柳下直道 叔敖陰德

^三張湯巧詆 杜周深刻 ^三三王尹京 二鮑糾隱

^三孫康映雪 車胤聚螢 ^三李充四部 井春五經

箋註蒙求卷中標題

一 谷永筆札	二 顧愷丹青	三 戴逵破琴	謝敷應星
二 阮宣杖頭	畢卓甕下	三 文伯羞鬣	孟宗寄鮓
四 史丹青蒲	張湛白馬	五 隱之感鄰	王脩輟社
六 阮放八馬	江泉四凶	六 華歆忤旨	陣羣蹙容
七 王濬懸刀	丁固生松	八 姜維膽斗	盧植音鐘
八 桓温竒骨	鄧艾大志	九 楊脩捷對	羅友默記
九 杜康造酒	蒼頡制字	十 樗里智囊	邊韶經笥
十 滕公佳城	王果石崖	十一 買妻耻醮	澤室犯齊
十一 馬后大練	孟光荆釵	十二 顏叔秉燭	宋弘不諧

十二 鄧通銅山	郭况金穴	十三 秦彭攀轅	侯霸臥轍
十三 淳于炙輶	彥國吐屑	十四 太真玉臺	武子金埒
十四 巫馬戴星	宓賤彈琴	十五 郝廉留錢	雷義送金
十五 逢萌挂冠	胡昭投簪	十六 王喬雙鳧	華佗五禽
十六 程邈隸書	史籀大篆	十七 王承魚盜	丙吉牛喘
十七 賈琮褰帷	郭賀露冕	十八 馮媛當熊	班女辭輦
十八 王充閱市	董生下帷	十九 平叔傅粉	弘治凝脂
十九 楊寶黃雀	毛寶白龜	二十 宿瘤採桑	漆室憂葵
二十 韋賢滿籬	夏侯拾芥	二十一 阮簡曠達	袁耽俊邁
二十一 蘓武持節	鄭眾不拜	二十二 郭巨將坑	董永自賣

石慶數馬 孔光温樹 翟湯隱操 許詢勝具

優旃滑稽 落下歷數 曼容自免 子平畢娶

師曠清耳 離婁明目 仲文照鏡 臨江折軸

欒巴喫酒 偃師舞木 德潤傭書 君平賣卜

叔寶玉潤 彦輔水清 衛后鬢髮 飛燕體輕

玄石沈湎 劉伶解醒 趙勝謝甃 楚莊絕纓

惡來多力 飛廉善走 趙孟疵面 田駢天口

張憑理窟 裴顏談藪 仲宣獨步 子建八斗

廣漢鈎距 弘羊心計 衛青拜幕 去病辭第

酈寄賣友 紀信詐帝 濟叔不癡 周兄無慧

虞卿擔簦 蘓章負笈 南風擲孕 商受斲涉

箋註蒙求卷下標題

廣德從橋 君章拒獵 應奉五行 安世三篋

相如題柱 終軍棄繻 孫晨藁席 原憲桑樞

端木辭金 鍾離委珠 季札挂劍 徐穉置芻

朱雲折檻 申屠斷鞅 衛玠羊車 王恭鶴氅

管仲隨馬 倉舒稱象 丁蘭刻木 伯瑜泣杖

陳逵豪爽 田方簡傲 黃向訪主 陳寔遺盜

龐儉鑿井 陰方祀竈 韓壽竊香 王蒙市帽

句踐投醪 陸抗嘗藥 孔愉放龜 張顥墮鵲

田豫儉素 李恂清約 義縱攻剽 周陽暴虐

孟陽擲瓦 賈氏如臯 顏回簞瓢 仲蔚蓬蒿

麋竺收資 桓景登高 雷煥送劍 呂虔佩刀

老萊斑衣 黃香扇枕 王祥守柩 蔡順分棹

淮南食時 左思十稔 劉惔傾釀 孝伯痛飲

女媧補天 長房縮地 季珪士首 安國國器

陸玩無人 賈詡非次 何晏神伏 郭奕心醉

常林帶經 高鳳漂麥 孟嘉落帽 庾敳隨憤

龍逢板出 張華台圻 董奉活燮 扁鵲起虢

寇恂借一 何武去思 韓子孤憤 梁鴻五噫

蔡琰辯琴 王粲覆棊 西門投巫 何謙焚祠

孟嘗還珠 劉昆反火 姜肱共被 孔融讓果

端康相代 亮陟隔坐 趙倫瘤怪 梁孝牛禍

桓典避馬 王尊叱馭 鼂錯隋直 趙禹廉裾

亮遺巾幘 備失匕箸 張翰適意 陶潛歸去

魏儲南館 漢相東閣 楚元置醴 陳蕃下榻

廣利泉涌 王霸冰合 孔融坐滿 鄭崇門雜

張堪折轅 周鎮漏船 郭伋竹馬 劉寬蒲鞭

許史侯盛 韋平相延 雍伯種玉 黃尋飛錢

王允千里 黃憲萬頃 虞駿才望 戴淵峯頽

史魚黜殞三九 子囊城郢甲 戴封積薪 耿恭拜井

汲黯開倉 馮煖折券四 齊景駟千 何曾食萬

顧榮錫炙 田文比飯四 稚珪蛙鳴 彥倫鶴怨

廉頗負荆 須賈擢髮四 孔翊絕書 申嘉私謁

淵明把菊 眞長望月四 子房取履 釋之結鞵

郭丹約關 祖逖誓江四 賈逵問事 許慎無雙

婁敬和親 白起坑降四 簫史鳳臺 宋宗雞窻

王陽囊衣 馬援薏苡辛 劉整交質 五倫十起

張敞畫眉 謝鯤折齒三 盛彥感螬 姜詩躍鯉

宗資主諾 成瑨坐嘯三 伯成辭耕 嚴陵去釣

董遇三餘 譙周獨笑五 將閭仰天 王凌呼廟

二疏散金 陸賈分橐五 慈明八龍 禰衡一鶚

不占殞車 子雲投閣五 魏舒堂堂 周舍鄂鄂

無鹽如漆 姑射若水卒 邾子投火 王思怒蠅

苻朗皂白 易牙溜澀卒 周勃織薄 灌嬰販繒

馬良白眉 阮籍青眼六 黥布開關 張良燒棧

陳遺飯感 陶侃酒限六 楚昭萍實 束皙竹簡

曼倩三冬 陳思七步六 劉寵一錢 廉范五袴

汜毓字孤 郝鑿吐哺六 荀弟轉酷 嚴母掃墓

洪喬擲水 陳泰挂壁六 王述忿狷 荀粲惑溺

等言象才 標是

宋女愈謹

敬姜猶績

鮑照篇翰

陳琳書檄

充浩浩萬古

不可備甄

芟煩撫華

爾曹勉旃

標題徐狀元補注蒙求卷上

岡白駒箋註

王戎簡要

裴楷清通

三

晉書王戎字濬冲琅邪臨沂人幼而穎悟神彩秀徹視日

不眩裴楷見而目之曰戎眼爛爛貌如巖下電阮籍素與

戎父渾為友戎年十五隨渾在郎舍郎官所舍少籍二十歲

籍與之交籍每適渾去輒過視戎良久然後出謂渾曰濬

冲清賞清明可賞非卿倫也共卿言不如共阿戎談阿入聲發

五

晉裴楷字叔則河東聞喜人明悟有識量智識少與戎齊

名鍾會薦於文帝追稱也辟相國掾文帝侍掾為相國相

掾副及吏部郎缺吏部郎主選舉能整帝問鍾會曰裴

曰史及吏部郎缺

風俗理人倫者為之

帝問鍾會曰裴

楷。清通。清而通。王戎簡要。簡而有要。皆其選也。於是用楷。楷風神

高邁。邁，過也。風采。容儀俊爽。博涉羣書。特精理義。魏晉時

學為理學。理義也。時謂之玉人。又稱見叔則如近玉山。照映

人也。轉中書郎。出入官省。省，禁署也。見者肅然。改容。武帝登祚。

探策。以卜世數多少。既而得一。不悅。廿說云。王者世羣臣

失色。楷曰。臣聞天得一以清。地得一以寧。王侯得一以為

天下貞。此老子言。帝大悅。累遷中書令。侍中。

孔明臥龍

口望非熊

蓋

蜀志。諸葛亮字孔明。琅邪陽都人。躬耕隴畝。隴與好為梁

父吟。齊晏子謀殺三子。事見于晏子春秋。梁父城名。齊城

有三墳。蓋此城之門。辭曰。步出齊城門。遙望蕩陰里。城中

有能絕地理。一朝被讒言。二桃殺三子。誰能為此謀。相

國子。每自比管仲樂毅。時人莫之許。惟崔州平徐庶與亮

友善。謂為信然。時先主備屯新野。徐庶見之。謂曰。諸葛孔

明臥龍也。有言起必。將軍豈願見之乎。將軍稱此人可就見。

不可屈致。劉備曰。君與宜枉駕顧之。先主遂詣亮。凡三往。

乃見。因屏人與計事。善之。於是情好日密。關羽張飛等不

悅。先主曰。孤之有孔明。稱曰。孤猶魚之有水也。願勿復言。及

稱尊號。謂即位。以亮為丞相。漢晉春秋曰。亮家南陽鄧縣襄

陽城西。號曰隆中。隆中山名。六韜曰。文王將田。史編布卜。

曰。田於涿陽。將大得焉。非龍非虜。龍與虜同。有角曰虜。非虎非

熊。熊屬。兆得公侯。天遺汝師。以之佐昌。昌。昌文。施及三王。文

武王曰。兆致是乎。遠能至。史編曰。編之太祖史疇為

舜。舊本作禹。誤。六占得臯陶。兆比於此。文王乃齊三日。田

於渭陽。卒見太公坐茅。以漁。文王勞而問之。勞也。乃載與

歸立為師。舊本非熊作非熊。通熊東忠叶韻若作非熊則韻不叶矣疑流俗承誤。後世莫知是正耳。從是改按後漢崔駰達旨辭曰或以漁父見兆於元龜。漁父謂呂望注云西伯出獵卜之曰所獲非龍非螭非熊非罴所獲霸王之輔。所謂非熊蓋本諸此。

楊震關西

丁寬易東

後漢楊震字伯起。弘農華陰人。少好學明經。博覽無不窮究。諸儒為之語曰關西孔子楊伯起。關函谷關常客居於湖不答。州郡禮命數十年。眾謂之晚暮。任官而志愈篤。後有鶴雀。鶴雀大如鶴銜三鱸魚飛集講堂前。後漢書注鱸鱸古字通鱸黃質黑文故為卿大夫服之象。都講取魚進曰學舍長蛇鱸者卿大夫服之象也。數三者法三台也。三台三公也後漢太尉先生自此升矣。年五十乃始仕州郡。安帝時為太尉。

列傳 四十四

列傳 五十八

前漢丁寬字子襄。梁人。初梁項生從田何受易。時寬為項生從者。讀易精敏。材過項生。遂事何學成。東歸。何謂門人曰易已東矣。寬復從周王孫受古義。號周氏。傳景帝時為梁孝王將軍。作易說三萬言。訓詁舉太誼而已。顏師古曰詁謂經之旨趣也

謝安高潔

王導公忠

晉書謝安字安石。陳國陽夏人。年四歲桓彝見而嘆曰此兒風神秀徹。後當不減王東海。王王導亦深器之。器有材由是少有重名。初辟除召而並以疾辭。有司奏安被召歷年不至。禁錮終身。禁錮塞仕進之路勿令仕遂棲遲東土。棲遲游息也常往臨安山中。放情丘壑。然每遊賞必以妓女從。時弟萬為西中郎將。總藩任之重。藩鎮安雖處衡門。橫木為門謂隱者之居

列傳 七十四

列傳三十五

名出其右。有公輔望。公也。年四十餘始有仕志。征西大將軍桓溫請為司馬。朝士咸送中丞高崧戲之曰。卿屢違朝旨。高臥東山。諸人每相與言。安石不肯出。將如蒼生何。蒼生謂民也。今蒼生亦將如卿何。安有愧色。後拜吏部尚書。時孝武立。政不自已。帝政不由。桓溫威振內外。安盡忠。匡翼終能輯穆也。穆和。進中書監錄尚書事。苻堅率眾次淮肥。加安征討大都督。既破堅。以總統功。進太保。薨。贈太傅。謚文靖。

晉王導字茂弘。光祿大夫。覽之孫。少有風鑒。謂有知人之識。風采也。鑒取其義。識量清遠。陳留高士張公見而奇之。謂其從兄敦曰。此兒容貌志氣。將相之器也。元帝為琅邪王。與導素相親善。導知天下已亂。遂傾心推奉。潛有興復之志。帝亦雅相器重。器重之。重之。會帝出鎮下邳。請導為安東司馬。帝為安東將軍。請導為司馬。

列傳一十五

馬故曰安軍謀密策。知無不為。帝常謂曰。卿吾之蕭何也。東司馬。累遷中書監錄尚書事。及帝登尊號。百官陪列。以位次列。命導升御床共坐。導固辭曰。若大陽下同萬物。大陽也。蒼生何由仰照。帝乃止。進位司空。

匡衡鑿金壁

孫敬閉戶

前漢匡衡字稚圭。東海承人。東海郡。父世農夫。至衡好學。家貧庸作以供資用。師古曰庸作言賣功庸。尤精力過絕。人諸儒為之語曰。無說詩。匡鼎來。鼎應也。匡說詩解人頤。如淳曰。使人射策甲科。師古曰射策者。隨其所取。謂為難問疑義。書笑不能止也。射策顯有欲射者。隨其所取。謂為難問疑義。書而釋之以知優劣。射之言也。與對策殊。元帝時為丞相。西京雜記曰。衡勤學無燭。鄰舍有燭而不逮。衡乃穿壁引其光而讀之。邑大姓文不識名。姓名家富多書。衡乃與

其客作備工而不求償償酬報也言願得書遍讀之主
人感歎資給以書遂成大學不求雇錢也

楚國先賢傳孫敬字文寶常閉戶讀書睡則以繩繫頸懸
之梁上嘗入市市人見之皆曰閉戶先生來也辟命不至

郅都蒼鷹

甯成乳虎

前漢郅都河東大陽人景帝時為中郎將敢直諫面折大
臣於朝面折直指遷中尉是時民撲畏罪自重犯法而
都獨先嚴酷致行法不避貴戚列侯宗室見都皆側目而
視不敢視號曰蒼鷹師古曰言其擊之甚拜鴈門太守匈奴素聞都
節舉邊為引去竟都死不近鴈門匈奴至為偶人象都師
曰以木為人象都之形也令騎馳射莫能中其見憚如此匈奴患之竇
太后乃中都以為漢法卒斬之構成罪以

同上

前漢甯成南陽穰人以郎謁者事景帝好氣好俠為小吏
必陵其長吏為人上操下急如東溼薪師古曰操執持也

外戚多毀其短抵罪後上欲以為郡守公孫弘曰臣為小
吏時成為濟南都尉其治如狼牧羊不可使治民上乃拜

為關都尉歲餘關東吏隸郡國出入關者號曰寧見乳虎
搏噬過常虎乳養子則無值甯成之怒其暴如此

周嵩狼抗

梁冀跋扈

晉書周嵩字仲智兄顓字伯仁汝南安成人中興時元帝
顓等並列貴位嘗冬至置酒其母舉觴賜三子曰吾
本渡江託足無所不謂爾等並貴列吾目前吾復何憂嵩
起曰恐不如尊旨伯仁志大而才短名重而識闇好乘人

列

之弊非自全之道。嵩性抗直，言不亦不容於世。唯阿奴碌碌，一作錄錄當在阿母目下耳。阿奴嵩弟，謨小字也。後顛嵩並為王敦所害，謨歷侍中、護軍。世說抗直作狼抗，狼抗如狼抗。王敦字也。

後漢梁冀字伯卓，褒親愍侯竦之曾孫。為人鵠肩豺目，後漢書注：鵠，鵠也。鵠，肩上也。洞精矚眇，洞，通也。矚，直視也。眇，目偏合也。口吟舌言，注：謂語吃，拜大將軍，侈暴滋甚。冲帝崩，冀立質帝，少聰惠，不能明。知冀驕橫，嘗朝羣臣，目冀曰：「此跋扈將軍也。」注：跋扈，猶強梁也。冀聞深惡之，遂鴆殺。復立桓帝而拜害大尉李固、杜喬。

列傳 三十四

枉冤海內嗟懼，其四方調發，民賦歲時貢獻皆先輸上第於冀。注：上第，乘輿乃其次焉。天子稱一門前後七封侯。封侯

者七 三皇后六貴人二將軍在位二十餘年，窮極滿盛，威行內外，百僚側目。百僚，百官也。莫敢違命。天子恭己，謂無為也。不得有所親豫。帝既不平之，後發怒誅冀，中外宗親無長少皆弃市。他連及公卿列校，諸校刺史二千石死者數十人。故吏賓客免黜者三百餘人。朝廷為空，收冀財貨三十餘萬，以充王府，用減天下稅租之半。

郝超

王珣短簿

列傳 三十三

晉書：郝超字景興，大尉鑿之孫。少卓犖，不羈。卓犖，超越也。羈，絆也。言才高識遠，不有曠世之度。曠，遠也。久也。度，度量也。罕有所推與。超精微，大司馬桓温辟為參軍。温英氣高邁，罕有所推與。超言常謂不能測，遂傾意禮待。超亦深自結納。時王珣為温主簿，亦為温所重。府中語曰：「髯參軍短主簿，能令公喜，能令公怒。」

令公怒超髯珣短故也

列傳三十五

晉王珣字元琳丞相導之孫弱冠二十與謝玄為溫掾溫

嘗謂之曰謝掾年四十必擁旄杖節藩鎮州牧之任王掾當作黑

頭公壯年而當皆未易才也未易得孝武時為僕射領吏

部帝雅好典籍以才學文章見昵昵也夢人以大筆如椽

與之既覺語人曰此當有大手筆事俄而帝崩哀冊謚議

梓宮遷皆珣所草玄字幼度少穎悟為叔父安所器重安

嘗戒約子姪因曰子弟亦何預人事非預人之事人者泛

如芝蘭玉樹欲使其生於庭塔耳安悅時苻堅入寇攻劫

舉累進冠軍將軍為前鋒都督與從弟輔國將軍琰決戰

肥水南堅眾奔潰弃甲宵遁聞風聲鶴唳鳴也皆以為王

師已至進號前將軍

伏波標柱

博望尋河

列傳十四

後漢馬援字文淵扶風茂陵人少有大志嘗謂賓客曰文

夫為志窮當益堅老當益壯建武中歷虎賁中郎將數被

進見為人明鬚髮眉目如畫關於進對閑習又善兵策帝

嘗言伏波論兵與我意合有謀未嘗不用後交阯女子徵

側等反後漢書注徵側麓冷縣雒將蠻夷皆應之拜援為

伏波將軍擊破之封新息侯援乃擊牛釃酒注釃酒也勞饗

軍士將樓船戰士進擊餘黨嶠南悉平後復請擊武陵五

溪蠻夷時年六十二帝愍其老援曰臣尚能被甲上馬帝

令試之援據鞍顧眄以示可用帝笑曰矍鑠哉是翁也注矍鑠

鑠勇遂遣征之進營壺頭注山名會暑甚中病卒病中廣州

記曰援到交趾立銅柱為漢之極界

前漢張騫漢中人建元中為郎武帝方欲事滅胡迺募能

使者募廣騫應募使月氏徑匈奴師古曰道留十餘歲持

漢節不失因與其屬亡鄉月氏師古曰屬同使後亡歸拜

太中大夫騫身所至者大宛大月氏大夏康居而傳聞其

旁大國五六具為天子言其地形所有元朔中以校尉從

大將軍衛青擊匈奴知水草處軍得以不乏封博望侯贊曰

禹本紀言河出崑崙崑崙高二千五百里餘日月所相避

隱為光明也此史記大宛傳贊論之言班固取以為贊王

謂崑崙者乎惡於舊注云得支機石歸世傳昔人有下泛槎

示嚴君平曰是織女之支機石也支挂也未詳所出

李陵初詩 田橫感歌

列傳 二十 李陵 廣傳

前漢李陵字少卿前將軍廣之孫少為侍中建章監建章殿名善騎射愛人謙遜下士甚得名譽武帝以為有廣之風拜

騎都尉天漢二年將步卒五千人征匈奴戰敗遂降焉初

陵與蘇武俱為侍中武使匈奴明年陵降後昭帝立與匈

奴和親武得還漢陵以詩贈別曰攜手上河梁橋游子暮

何之徘徊蹊路側恨恨不得辭眷音亮晨風鳴北林晨風

熠燿東南飛熠燿螢浮雲日千里安知我心悲武別陵詩

曰雙鳧俱北飛喻共來一鳧獨南翔喻武獨子當留斯館

我當歸故鄉一別如秦胡言相去會見何渠央渠與遠通

愴恨切中懷愴恨悲不覺淚霑裳願子長努力言笑莫相

笑詩蒙求

忘五言詩蓋自此始

列傳

前漢田橫狄人

師古曰狄縣名也

故齊王田氏之族秦末自立為

齊王漢將灌嬰敗橫軍遂平齊地橫懼誅與其徒居海島

依止曰島中。海中有山可。高帝召之。迺與其客二人乘傳詣洛陽謝

使者曰橫始與漢王俱南面稱孤今王為天子而橫為亡

虜其愧已甚遂自剄令客奉其頭奏之高帝為之流涕以

王禮葬之拜其二客為都尉既葬二客穿其冢旁皆自剄

其餘五百人在海中聞橫死亦皆自殺李周翰曰橫自殺

從者不敢哭而不勝哀故為悲歌以寄情後廣之為薤露

蒿里歌以送終薤露歌云薤上朝露何易晞露晞明朝更

家地聚斂魂魄無復落人死一去何時歸高里歌云高里誰

宿草積聚指至李延年分為二等薤露送王公貴人蒿里

送士大夫庶人挽柩者歌之戶在柩曰柩因呼為挽歌一作

武仲不休

士衡患多

文苑

後漢傅毅字武仲扶風茂陵人少博學肅宗博召文學之

士以毅為蘭臺令史百官志蘭臺令史拜郎中與班固賈

逵共典校書主典猶毅追美明帝功德最盛而廟頌未立乃

依清廟作顯宗頌十篇奏之由是文雅顯於朝廷魏文帝

典論曰文人相輕自古而然傅毅之於班固伯仲之間耳

伯仲喻兄弟之次而固小之與弟超書曰武仲以能屬文

言無甚勝劣也輯之也為蘭臺令史下筆不能自休言其竊竊

晉陸機字士衡吳郡人大司馬抗之子身長七尺其聲如

鐘少有異才文章冠世與弟雲俱入洛造太常張華華素

列傳

鐘少有異才文章冠世與弟雲俱入洛造太常張華華素

重其名如舊相識曰伐吳之役利獲二俊機又詣侍中王
 濟濟指羊酪謂曰吳中何以敵此答云千里尊羹未下鹽
 豉言下鹽豉則美於羊酪也千里湖名時人稱為名對機天才秀逸辭藻宏
 麗華嘗謂之曰人之為文常恨才少而子更患其多弟雲
 嘗與書曰君苗雲之小字見兄文輒欲燒其筆硯華薦之諸公
 累遷中書郎後成都王穎起兵討長沙王乂假機後將軍
 河北大都督機以羈旅入宦頓居羣士之右皆有怨心譖
 之於穎穎怒使人收機機歎曰華亭鶴唳豈可復聞乎遂
 遇害初機有駿犬名黃耳既羈寓京師久無家問笑語犬
 曰我家絕無書汝能齎書取消息否犬搖尾作聲機乃為
 書以竹筒盛之繫其頸犬尋路南走遂至家得報還洛後
 以為常

桓譚非讖

王商止訛

列傳十八

後漢桓譚字君山沛國相人後漢書注好音律世祖即位

拜議郎給事中後詔會議靈臺靈臺候天文臺時帝方信讖

符命注讖緯多以決定嫌疑謂譚曰吾欲讖決之何如譚曰臣

不讀讖帝問其故譚復極言讖之非經帝大怒曰譚非聖

無法將下斬之叩頭流血乃得解出為六安郡丞卒

前漢王商字子威涿郡蠡吾人成帝時為左將軍京師民

無故相驚言大水至訛言也百姓奔走相蹂躪師古曰

躪躪也老弱號呼長安中大亂天子召公卿議大將軍王鳳

以為太后與上及后宮可御船令吏民上長安城以避水

從鳳議商曰自古無道之國水猶不冒城郭冒蒙今政治

和平世無兵革上下相安何因有大水暴至此必訛言上

列傳五十一

迺止果訛言上美壯商之固守數稱其議而鳳大慙後為丞相為人多質有威重師古曰多質言不為文飾長八尺餘身體鴻大容貌過人單于來朝商坐未央廷中單于前拜謁商仰視大畏之遷延却退遷延却退之貌上聞歎曰真漢相矣鳳怨商陰求其短卒為所中免相薨

嵇山呂命駕

程孔傾蓋

晉書嵇康字叔夜撫國銍人性巧而好鍛鍛冶鐵打為器宅中有一柳樹甚茂乃激水圍之每夏月居其下以鍛東平呂安服其高致每一相思輒千里命駕康友而善之家語曰孔子之郊遭程子於塗王肅曰程子名本字子華晉人也傾蓋而語傾蓋終日甚相親顧謂子路曰取束帛以贈先生

劇孟一敵

周處三害

前漢劇孟洛陽人以俠顯俠任俠也相與信為任同是非曰俠吳楚反時條侯周亞夫為大尉東將至河南王楙云史記東傳車班史誤車作東將字本方將之將非將帥得劇孟喜曰吳楚舉大事而不求劇孟吾知其無能為已天下騷動大將軍亞得之若一敵國

列傳 二十

游俠 傳六 十二

晉周處字子隱義興陽羨人膂力絕人不修細行州曲患之曲鄉也處自知為人所惡慨然有改勵之志慨憤謂父老曰今時和歲豐何苦而不樂父老歎曰三害未除何樂之有處曰何謂也何謂三害答曰南山白額猛虎長橋下蛟并子為三矣處曰吾能除之乃入山射殺猛虎投水搏殺蛟遂勵志好學有文思志存義烈言必忠信克己甚年州府交辟仕晉為御史中丞凡所糾劾不避寵戚寵臣貴戚及入齊萬年反朝臣惡處強直皆曰處名將子忠烈果毅乃使隸

夏侯駿西征伏波將軍孫秀謂之曰卿有老母可以此辭
秀知其將死故致處曰忠孝之道安得兩全既辭親事君
之辭蓋愛惜之也
父母安得而子乎已而戰敗左右勸退處按劍曰此吾效
節授命之日何退之為且古者良將受命出師以出操
示不敢生還也凶門喪門也 益有進無退也諸君負信
勢必不振我為大臣以身殉國不亦可乎遂力戰而沒追
贈平西將軍

胡廣補闕

袁安倚賴

後漢胡廣字伯始南郡華容人察孝廉察猶舉也孝廉取士科目試章
奏安帝以廣為天下第一累為三公年已八十而心力克
壯性溫柔謹素常遜言恭色達練事體明解朝章朝廷典章雖
無謇直之風屢有補闕之益故京師諺曰萬事不理問伯

始天下中庸有胡公中庸言可準則及其李固趙戒杜喬議立清
河王赫而蠶吾侯志取梁冀妹冀欲立之廣戒憚冀皆曰
惟大將軍令獨固與喬堅守本議竟立蠶吾侯是為桓帝
以此譏毀於時自在公台三十餘年歷事安順冲質桓靈
六帝凡一履司空再作司徒三登太尉又為太傅其所辟
命皆天下名士與故吏陳蕃李咸並為三司蕃等每朝會
輒稱疾避廣言見時人榮之
後漢袁安字邵公汝南汝陽人嚴重有威見敬於州里肅
宗末為司空遷司徒和帝時薨初安以天子幼弱外戚擅
權每朝會進見及與公卿言國家事未嘗不噫鳴流涕後漢
書注噫鳴歎傷之貌自天子及大臣皆倚賴之倚賴恃及薨朝廷痛
惜焉初安父沒訪求葬地道逢三書生問安何之安告之

生乃指一處云葬此地當世為上公須臾不見安異之於是葬其地故累世隆盛

黃霸政殊 梁習治最

補史九傳十

前漢黃霸字次公淮陽陽夏人武帝末以待詔諸以才伎召未有正入錢賞官師古曰因入錢補侍郎謂者後復入穀待詔入錢賞官而見賞以官補左馮翊二百石卒左馮翊右扶風京兆是馮翊以霸入財為官不署右職師古曰輕其為人使領郡錢穀計簿書正以廉稱宣帝時擢揚州刺史以賢良高第為潁川太守力行教化而後誅爵外寬內明得吏民心戶口歲增治為天下第一徵守京兆尹坐貶秩歸潁川前後八年郡中愈治是時鳳凰神爵數集郡國潁川尤多天子以霸治行終長者下詔稱揚賜爵關內侯黃金百斤秩中二千石後

藝

為丞相霸材長於治民及為相總綱紀號令風采不及丙魏于定國風采風儀文采也功名損於治郡

魏志梁習字子虞陳郡柘人以別部司馬後漢百官志云大將軍營五部有軍司馬一人其別營領屬為別部司馬領并州刺史承高幹荒亂之餘高幹降于胡狄在界張雄跋扈張雄張威作雄張雄吏民亡叛入其部落兵家擁眾作為寇害更相扇動往往慕時到處也兵習到官誘喻招納皆禮召其豪右稍相薦舉使詣幕府邊境肅清百姓布野勤勸農桑令行禁止貢達名士咸顯於世太祖嘉之賜爵關內侯更拜為真前以別部司馬領并州刺史長老稱詠以為自所聞識至此更為并州真刺史也刺史未及習者文帝時復為刺史政治常為天下最舊本習作集誤

墨子悲絲

楊朱泣岐

淮南子曰楊子見逵路而哭之注揚子名朱四道交為其出復有旁道曰逵其可以南可以北為當慎墨子見練絲而泣之練白也其可以黃可以黑為當慎高誘曰憫其本同而末異

朱博烏集

蕭芝雉隨

前漢朱博字子元杜陵人哀帝時御史府吏舍百餘區井水皆竭又其府中列栢樹常有野烏數千棲宿其上晨去暮來號曰朝夕烏鳥去不來者數月師古曰皆御史大夫之職休廢之應長老異之後二歲餘博為大司空奏言高皇帝置御史大夫位次丞相今中二千石未更御史大夫而為丞相權輕非所以重國政也臣以為大司空官可罷復置御史大夫遵奉舊制臣願盡力以為百僚率率表從之迺更拜博御史大夫後為丞相坐事自殺

蕭廣濟孝子傳蕭芝至孝蕭芝字英髦除尚書郎拜官曰除除

也官有雉數十頭飲啄宿止當上直百官往省中直舍送至岐路及下直門飛鳴車前時人以為

杜后生齒

靈王出纈

晉書成恭杜皇后諱陵陽成恭諡鎮南將軍預曾孫后少有

姿色姿容美色然長猶無齒有來求婚者輒中止及帝納采之

日一納采昏禮六禮之一夜齒盡生在位六年無子先是三

吳女子相與簪白花望之如素柰柰果名似林檎而大有白赤青三色白者曰素

柰傳言天公織女死為之著服至是而后崩

左氏傳昭公二十二年王子朝曰子朝使告定王六年秦人降妖

降妖曰周其有龜王口上曰龜周當亦克能修其職諸侯

服享二世供職杜預曰靈王景王之世諸侯供其職貢王室其有間王位定王世之後當有間不圖諸侯不圖自圖而受其亂災至于靈王定王世生而有德王甚神聖無惡於諸侯靈王景王克終其世

賈誼忌鵬

莊周畏犧

列傳

前漢賈誼雒陽人年十八能誦詩書屬文稱於郡中河南守吳公聞其秀才召置門下及為廷尉誼言誼年少頗通諸家書文帝召為博士每詔令議下師古曰謂有詔令出下及使議事諸老先生未能言誼盡為之對人人各如其意所出諸生諸即老先生以為能帝說之超遷歲中至太中大夫誼以為漢興諸即當改正朔易服色制度定官名興禮樂迺草具其儀帝謙讓未皇也師古曰然諸法令所更定皆誼發之天子以誼任公卿之位絳灌之屬害之師古曰絳灌嬰害忌也於是上亦

疎之不用其議以為長沙王太傅三年有服飛入舍止於坐隅服似鴉不祥鳥也誼既適居適讀長沙甲濕自傷悼以為壽不得長迺為賦以自廣歲餘帝思誼徵之入見上方受釐坐宣室釐祭祀福祚也漢儀注祭天地五時皇帝不自行祠還致福宣室未央前正室也因感鬼神事而問鬼神之本誼具道所以然之故至夜半帝前席師古曰漸促近既罷曰吾久不見賈生自以為過之今不及也生不及賈迺拜誼梁王大傅死年三十三孔臧鵲賦云昔賈生有識之士忌茲服鳥列御寇莊子曰之篇或聘於莊子莊子應其使曰子見夫犧牛乎衣以文綉食以芻菽及其牽而入於太廟雖欲為孤犢其可得乎孤犢離母自悲犢也史記曰莊周蒙人嘗為蒙漆園吏正義漆園城名與梁惠王同時其學本於老子著書率寓言義

洋自恣以適己洗洋浩瀚貌廣大也故王公大人不能器之不能器之用之楚威王聞周賢使使厚幣迎之許以為相周引此辭應之郭象云樂生者畏犧而辭聘

燕昭築臺

鄭莊置驛

史記燕昭王即位卑身厚幣以招賢者謂郭隗曰齊國因孤之國亂燕王噲屬國子之而燕亂而襲破燕孤極知燕小力少不足以報然誠得賢士以共國以雪先王之耻孤之願也先生視可者其國者可得身事之隗曰王必欲致士先從隗始況賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往士爭趨燕後與秦楚三晉趙韓魏合謀伐齊敗之齊城之不下者唯聊莒即墨餘皆屬燕孔文舉與曹公書曰昭王築臺以尊郭隗鮑昭

樂府曰豈伊白璧賜將起黃金臺注云燕昭王置千金於臺上以延天下之士

列傳

前漢鄭當時字莊陳人孝文時以任俠自喜喜好樂也脫張羽於阬服虔云梁孝王之將楚相之弟也聲聞梁楚間孝景時為太子舍人每五日洗沐常置驛馬長安諸郊如淳曰便請謝賓客夜以繼日常恐不徧其知友皆大父行師古曰大父祖父也天下有名之士武帝時遷大司農當時為大吏戒門下客至亡貴賤亡留門者執賓主之禮以其貴下人其推轂士及官屬丞史師古曰推轂言薦舉常引以為賢於己聞人之善言進之上唯恐後山東諸公以此翕然稱鄭莊後陷罪起為汝南太守來家亡餘財先是下邳翟公為廷尉賓客亦填門及廢門外可設爵羅後復為廷尉客欲往翟公大署其門曰師古曰署謂書之

一死一生。迺知交情。一貧一富。迺知交態。一貴一賤。交情乃見。

權靖二妙

岳湛連璧

晉書。衛權字伯玉。河東安邑人。武帝時。拜尚書令。加侍中。性嚴整。以法御下。視尚書。若參佐。屬郎若掾屬。書郎。權學問深博。明習文藝。與尚書郎索靖俱善草書。時號一臺二妙。漢末張芝亦善草書。論者謂權得伯英筋。靖得伯英肉。權筆勝靖。然有楷法。遠不能及。靖字幼安。敦煌人。少有逸羣之量。與鄉人汜衷張彪索紞永俱詣大學。官。馳名海內。號稱敦煌五龍。靖該博經史。舉賢良對策高第。累遷遊擊將軍。伯英芝字也。晉潘岳字安仁。滎陽中牟人。少以才穎見稱。鄉邑號為奇

列傳

列傳

童謂終賈之儔也。終賈。終夏侯湛字孝若。譙國譙人。幼有

盛才。文章宏富。善構新詞。構。結起也。言作。美。容觀與潘岳友善。每

行止。同輿。接茵。京都謂之連璧。岳姿儀辭藻絕麗。文辭。日藻

少時常挾彈出洛陽道。彈。行丸也。婦人遇之者皆連手。縈繞

也。縈。旋投之以果。滿車而歸。舉秀才。名冠世。為眾所疾。棲遲

十年。出為河陽令。負其才也。鬱鬱不得志。後至黃門侍

郎。湛舉賢良對策中第。終散騎常侍。

卻詵一枝

戴憑重席

晉書。卻詵字廣基。濟陰單父人。博學多才。瓌偉倜儻。瓌偉。倜儻。言人才非常也。皆不拘。細行。州郡禮命並不應。禮命。以。泰始

中舉賢良。對策上第。拜議郎。遷雍州刺史。武帝

於東堂會送。問詵曰。卿自以為何如。詵對曰。臣舉賢良對

列傳

策為天下第一。猶桂林一枝，崑山片玉。崑山，即崑崙山也。帝笑，詔在任威嚴明斷，甚得聲譽。

列傳第六十九

後漢戴憑字次仲，汝南平輿人。光武時，舉明經，試博士。明經，博士之科目。後拜侍中。正旦朝賀，百僚畢會，帝令羣臣能說經者更相難詰，義有不通，輒奪其席，以益通者。憑遂重生五十餘席，故京師為之語曰：解經不窮，戴侍中。舊本憑作馮誤。

鄒陽長裾

王符縫掖

前漢鄒陽齊人，為人有智略，慷慨不苟合。慷慨，激昂之意。漢興，諸侯王皆自治民，聘賢。七國反後，諸侯惟衣食租稅，不與王得復興政事，自聘人，故曰漢興。吳王濞招致四方游士，陽仕吳，以文辭著名。久之，吳王以太子事怨望，稱疾不朝。孝文時，吳太子入見，得侍，皇太子飲博，是太子，師博皆楚人，輕悍，又素驕，博。

列傳第七十一

列傳第六十九

道不恭，皇太子引博，昂提吳太子殺之，於是遣其喪歸葬。吳王愠曰：天下宗死，長安何必來葬？復遣由是怨望。蘇陰有邪謀，陽奏書諫，略曰：今臣盡智畢議，易精極慮，思極盡謀，慮則無國不可奸，奸與干通，飾固陋之心，則何王之門不可曳長裾乎？然臣所以歷數王之朝，背淮千里而自致者，非惡臣國而樂吳民也。竊高下風之行，尤說大王之義。師古曰：在下風側聽義。願大王無忽。無忽，言主不納。陽乃去。從梁孝王卒為上客。後漢王符字節信，安定臨涇人。少好學，有志操。操，所守也。耿介不同於俗。耿介，剛之意。以此遂不得升進，乃隱居著書三十餘篇，以譏當時失得。號潛夫論。後度遼將軍皇甫規解官歸鄉，人有以貨得鴈門太守者，亦去職還家。書刺謁規。書刺，姓名於刺。規臥不迎，既入而問卿前在郡食鴈美乎？有頃又白。

卷之十一

王符在門。規素聞符名。乃驚遽而起。衣不及帶。屣履出迎。
屣履謂足跟不正也。履謂足跟不正也。接符手而還。與同坐。極歡。時人為之語。納履曳之而行也。禮記縫作逢。鄭玄曰。逢大也。曰。徒見二千石。不如一縫掖。大掖之衣。大袂之衣也。儒生也。服言書生道義之為貴也。後竟不仕。

鳴鶴日下

士龍雲間

晉書。陸雲字士龍。六歲能屬文。性清正。有才理。少與兄機齊名。雖文章不及機。而持論過之。號二陸。幼時。吳尚書閔鴻見而奇之。曰。此兒若非龍駒。是鳳雛也。後舉雲賢良。吳平。入洛。雲與荀隱未相識。嘗會張華。坐。華曰。今日相遇。可勿為常談。雲因抗手曰。雲間陸士龍。隱曰。日下荀鳴鶴。鳴鶴隱字也。雲又曰。既開青雲。觀白雉。何。不張爾弓。挾爾矢。隱曰。本謂是雲龍駢駢。馬。乃是山鹿野麋。

列傳 第十四

獸微。弩強。是以發。選。舉。撫。手。大笑。刺史周浚召為從事。謂人曰。士龍當今之顏子也。聞一。官至中書侍郎。與機同。被害。初。雲嘗行。逗宿。故人家。夜暗。迷路。莫知所從。忽望草中有火。趣之。至一家。寄宿。見一年少。美風姿。共談老子。辭致深遠。白曉辭去。行十許里。至故人家。云。此數十里中。無人居。雲意始悟。卻尋昨宿處。乃王弼家。雲本無玄學。老子道。自此談老。殊進。

晉宣狼顧

漢祖龍顏

晉宣皇帝諱懿。字仲達。河內溫縣孝敬里人。姓司馬氏。少聰朗。多大略。博學洽聞。洽。周。漢末大亂。常慨然有憂天下心。魏武為丞相。辟為文學掾。累遷相國。武帝受禪。上尊號。曰宣皇帝。帝內急而外寬。猜忌而多權變。權數。魏武察帝。

本紀 第一

有雄豪志聞有狼顧相欲驗之乃召使前行令反顧面正
向後而身不動又嘗夢三馬同食一槽三馬象司馬懿師
槽食曹氏之象甚惡焉因謂太子丕曰司馬懿非人臣也必預汝
家事太子素與帝善每相全佑故免

本紀第一

前漢高祖諱邦字季沛豐邑中陽里人姓劉氏母媪嘗息
大澤之陂夢與神遇是時雷電晦冥父太公往視則見交
龍於上已而有娠遂產高祖隆準而龍顏應劭云隆高也
美鬚髯左股有七十二黑子寬仁愛人意豁如也師古云
大之常有大度不事家人生產作業

鮑靚記并

羊祜識環

晉書鮑靚字太玄東海人年五歲語父母云本是曲陽李
家兒九歲墮井死其父母訪問尋李家訪皆符驗靚學兼

列傳第十五

內外儒與明天文河洛書後遷南海太守嘗見仙人陰君
授道訣要訣方術百餘歲卒

列傳第十四

晉羊祜字叔子泰山南城人世吏二千石至祜九世並以
清德聞祜年五歲時念乳母取所弄金環乳母曰汝先無
此物祜即詣鄰人李氏東垣桑樹中探得之主人驚曰此
吾亡兒所失物云何持去乳母具言之李氏悲惋恨也時
人異之謂李氏子即祜之前身也祜博學能屬文魏高貴
鄉公時公車徵拜中書侍郎公車署名後漢光武詔三公卿
人遣詣公車朕將覽試焉武帝晉武有滅吳之志以祜都
督荊州諸軍事出鎮南夏累進征南大將軍南城侯卒贈
大傅初有善相墓者言祜祖墓所有帝王氣若鑿之則無
後祜遂鑿之相者見曰猶出折臂三公祜竟墮馬折臂仕

至公而無子。祜樂山水。每風景。必造岷山。置酒言詠。終日不倦。襄陽百姓於祜。平生遊憩之所。建碑立廟。歲時享祀。望其碑者。莫不流涕。思其恩惠。又感杜預因名為墜淚碑。荊州人為祜諱名云。言書不犯

仲容青雲

叔夜玉山

晉書阮咸字仲容。陳留尉氏人。任達不拘。任其性。曰。伶與叔父籍為竹林之游。當世譏其所為。咸與籍居道南。諸阮居道北。北阮富而南阮貧。七月七日。北阮盛曬衣服。錦綺粲目。咸以竿挂大布犢鼻於庭。犢鼻。衣。在膝下。禪截。至膝。謂羣強處禪。曰。未能免俗。歷散騎侍郎。妙解音律。善彈琵琶。雖處世不交人事。唯共親知。絃歌酣宴而已。荀勗每與咸論音律。自以為遠不及疾之。出補治平太守。顏延年作

五君詠。劉伶阮咸向秀其一曰。仲容青雲器。青雲。高遠也。實稟生民秀。劉伶阮咸向秀達音何用深。識微在金奏。樂先擊鐘。故郭奕已心醉。大原郭奕見咸山公非虛覲。屢薦不入官。一麾乃出守。覲。見也。山濤屢薦而帝不能用。荀勗一詔乃出晉嵇康字叔夜。有奇才。遠邁不羣。美詞氣。有風儀。而土木形骸。不自藻飾。人以為龍章鳳姿。謂自然也。天質自然。恬靜寡欲。含垢匿瑕。寬簡有大量。博覽該通。長好老莊。與魏宗室婚。拜中散大夫。所與交者。唯阮籍山濤。預其流者。向秀劉伶。阮咸。王戎。為竹林之遊。世所謂竹林七賢也。戎與叔夜居山陽二十年。未嘗見其喜愠之色。世說曰。叔夜之為人。出岫若孤松之獨立。岫。通作巖。巖。巖高貌。其醉也。傀俄若玉山之將頽。傀。偉也。頽。傾貌。

毛義奉檄

子路負米

後漢

後漢毛義字少節廬江人家貧以孝行稱南陽張奉慕其名往候之坐定而府檄適至後漢書注檄徵召之書也以義為守令義奉檄而入喜動顏色奉者志尚士也尚高也心賤之自恨來固辭而去及義母死去官行服數辟公府為縣令進退必以禮後舉賢良公車徵不至張奉歎曰賢者固不可測往

家語

家語仲由字子路見孔子曰負重涉遠不擇地而休家貧親老不擇祿而仕昔由事二親之時常食藜藿之實為親負米百里之外親沒之後南遊於楚從車百乘積粟萬鍾累茵而坐列鼎而食願欲食藜藿為親負米不可得也子曰由也事親可謂生事盡力死事盡思者也

江革巨孝

王覽友弟

後漢

後漢江革字次翁齊國臨淄人少失父獨與母居遭亂負母逃難備歷阻險常採拾以為養拾遺也數遇賊或劫欲將去革輒涕泣言有老母辭氣愿款後漢書注愿謹也款誠也有足感動人者賊不忍犯之革轉客下邳窮貧裸跣行傭以供母建武末與母歸鄉里至歲時縣當案比案比猶唐貌閱也革以母老不欲搖動自在轅中輓車不用牛馬由是鄉里稱江巨孝注巨大也及母終舉賢良方正遷司空長史肅宗崇禮之拜諫議大夫賜告歸注告請假也漢制吏二千石病滿三將官屬歸家養因謝病常以八月長吏存問致羊酒以終病謂之告歸

總注家文

卷之上

三

厥身巨孝之稱行於天下舊本巨作忠非

列傳

晉王覽字玄通母朱遇兄祥無道覽年數歲見祥被楚撻
楚荆也所輒涕泣抱持每諫其母母少止凶虐朱屢以非
以扑撻者輒涕泣抱持每諫其母母少止凶虐朱屢以非
理使祥覽輒與俱又虐使祥妻覽妻亦趨而共之朱患之
乃止祥喪父後漸有時譽朱深疾之密使酖祥酒有鴆覽
知之徑起取酒祥疑其有毒爭而不與朱遽奪反之與
自後朱賜祥饌覽輒先嘗覽孝友恭恪名亞於祥仕至光
祿大夫門施行馬終致仕及遜位者給牀帳單祿賜錢二
十萬給吏卒門施行馬

蕭何定律

叔孫制禮

刑法

前漢高祖初入關約法三章章條曰殺人者死傷人及盜
抵罪師古云抵也當也也細也也秦民大說其後四夷未

附兵革未息三章之法不足以禦姦於是相國蕭何攬摭

秦法攬摭收取其宜於時者作律九章高祖布衣時何數

以吏事護高祖高祖為沛公何嘗為丞督事督監視沛公

至咸陽諸將皆爭走金帛財物之府分之何獨先入收秦

丞相御史律令圖書藏之沛公具知天下阨塞戶口多少

强弱處民所疾苦者以何得秦圖書也高祖即位論功行

封以何功最盛先封鄼侯

列傳

前漢叔孫通薛人秦時以文學待詔博士師古云於博降

漢拜博士號稷嗣君裴駟云稷漢王為皇帝悉去秦儀法

為簡易羣臣飲爭功醉或妄呼拔劍擊柱上益饜之通說

上願徵魯諸生與臣弟子共起朝儀頗采古禮與秦儀雜
就之上使徵魯諸生與其弟子叔孫通為綿蕝野外如淳

苑以茅剪樹地為纂位尊卑之次也。晉之月餘。通曰。上可試觀。七年。長樂宮成。諸侯羣臣朝。十月。行禮畢。置酒。以尊卑次起。上壽觴。九行。謁者言罷酒。御史執法。舉不如儀者。輒引去。竟朝無敢喧譁失禮者。帝曰。吾乃今日知為皇帝之貴也。拜通為奉常。奉常後改。賜金五百斤。

葛豐刺舉

息躬歷詆

前漢諸葛豐。字少季。琅琊人。以明經為郡文學。特立剛直。元帝擢為司隸校尉。刺舉無所避。舉刺譏也。京師為之語曰。聞何闊。逢諸葛。不相見。以逢諸葛。故也。上嘉其節。加秩光祿大夫。

前漢息躬。字子微。河內河陽人。少為博士弟子。武帝置士教受春秋通覽記書師古云傳記。哀帝擢光祿大夫。給

事中。上疏歷詆公卿大臣。曰。方今丞相王嘉健而蓄縮。不可用。御史大夫賈延。墮弱不任職。左將軍公孫祿。司隸鮑宣。皆外有直項之名。項擊確不撓也。內實駭不曉政事。駭思也。諸曹以下。僕邀不足數。之貌。邀古速字。卒有強弩圍城。讀曰。卒。長戟指闕。陛下誰與備之。

管寧割席

和嶠專車

世說管寧字幼安。與華歆共園鋤菜。見地有金。寧揮鋤與瓦石不異。歆捉而擲之。又嘗同席讀書。有乘軒冕過門者。寧讀書如故。歆廢書而看。寧割席分坐。曰。子非吾友也。寧歆。邴原俱遊學。邴原三人相善。故時人號為一龍。謂寧為龍頭。原為龍腹。歆為龍尾。晉和嶠字長輿。汝南西平人。少有風格。風風采也。厚自崇。

格標準也。厚自崇。

重有盛名於世。朝野許其能整風俗。理人倫。康敦見而歎曰。嶠森森如千丈松。森森高聳貌。雖礫石多節目。人性體卓特者曰礫石。施之大廈。屋也。有棟梁之用。累遷中書令。武帝深器遇之。舊監令中書監中書令共車入朝。時荀勗為監。嶠鄙其為人。以意氣加之。每同乘。高抗專車而坐。抗自舉也。專言獨占也。乃使監令異車。自嶠始也。

時苗留犢

羊續懸魚

魏略。時苗字德曹。鉅鹿人。少清白。為人疾惡。建安中為壽春令。令行風靡。其始之官。乘薄輦車。黃犝牛。犝牛。牝牛也。布被囊。歲餘牛生一犢。及去。留其犢。謂主簿曰。令來時本無此犢。犢是淮南所生。時人皆以為激。激。貪也。然由是名聞天下。後遷中郎將。

後漢羊續字興祖。太山平陽人。為南陽太守。班宣政令。候民病利。日病益於人。日利。百姓歎服。常敝衣薄食。車馬羸敗。府丞嘗獻其生魚。續受而懸之於庭。後又進之。續乃出前所懸者。以杜其意。靈帝欲以為太尉。時拜三公者皆輸東園禮錢千萬。令中使督之。中使。官名。名為左騶。其所之往。輒迎致禮敬。厚加贈賂。續乃坐使於單席。舉緼袍示之。曰。臣所資唯斯而已。以此故不登公位。

樊噲排闥

辛毗引裾

前漢樊噲沛人。以屠狗為事。從高祖定天下。以功封舞陽侯。帝嘗病惡見人。臥禁中。詔戶者無得入。羣臣絳灌等。灌。嬰也。莫敢入。十餘日。噲乃排闥直入。師古云。闥。大臣隨宮中小門。大臣隨之。上獨枕一宦者臥。噲等流涕曰。始陛下與臣等起豐沛。

定天下何其壯也。今天下已定，又何憊也。師古云：憊，力極也。且陛下

下病甚，不見臣等計事，顧獨與一官者絕乎。也。絕，死也。且獨不

見趙高之事乎？帝笑而起。初，帝已定關中，項王至，怒欲攻

之。帝從百餘騎見羽鴻門，亞父范增令項莊拔劍舞，欲擊

帝。項伯常屏蔽之，噲聞事急，持盾直入，怒甚，羽壯之，賜以

卮酒，彘肩，噲飲酒，拔劍切肉食之。曰：臣死且不避，豈特卮

酒乎？帝如廁，噲出獨騎馬。舍車，單騎。噲等步從山下走歸霸

上軍。是日微噲幾殆。師古云：微，無也。

魏志：辛毘字佐治，潁川陽翟人。文帝踐阼，遷侍中。帝欲徙

冀州士家十萬戶實河南，時連蝗，民饑。連年有蝗。羣司以為不

可，而帝意甚盛，毘與朝臣俱求見，帝知其欲諫，作色以見

之，皆莫敢言。毘曰：陛下不以臣不肖，置之左右，廁之謀議

之官，安得不與臣議？臣所言非私，乃社稷之慮也。帝不答，

起入內，毘隨而引其裾，帝遂奮衣不還。良久乃出，曰：卿持

我何太急？邪？毘曰：今徙既失民心，又無以食，帝遂徙其半

嘗從帝射雉，帝曰：射雉樂哉！毘曰：於陛下甚樂，羣下甚苦。

帝默然後遂，乃為之稀，出終衛尉。

孫楚，潁川人，字子荆，太原中都人。才藻卓絕，爽邁不羣。多所

陵傲，缺鄉曲之譽。年四十餘始參鎮東軍事，終馮翊太守。

初，楚少時欲隱居，謂王濟曰：當欲枕石漱流，誤云漱石枕

流。濟曰：流非可枕，石非可漱。楚曰：所以枕流，欲洗其耳，所

以漱石，欲厲其齒。厲，磨也。

世說：郝隆，字佐治，汲郡人。七月七日出日中，仰臥，人問其

...

...

...

...

...

...

...

...

...

...

...

...

...

...

...

...

...

...

故曰我曬腹中書也。舊本問上脫人字，今據世說補之。

枚臯詣闕

充國自贊

傳三十一

前漢枚臯字少孺。至長安上書北闕。自陳枚乘之子。始乘死。詔問乘子無能為文者。乘在梁時。取臯母為小妻。取妻及東歸。臯母不肯隨。留與母居。留臯與上得大喜。召入見待詔。因賦殿中。詔使賦平樂觀。善之。拜為郎。使匈奴。臯不通經術。詠笑類俳倡。李奇云。詠。嘲也。師古云。師古云。嫵。師古云。嫵。以故得媒。躡貴幸。躡。師古云。媒。比東方朔郭舍人等。

傳三十一

前漢趙充國字翁孫。隴西上邽人。善騎射。補羽林。為人沈勇。有大略。少好將帥之節。而學兵法。通知四夷事。宣帝時。為後將軍。封營平侯。神爵初。諸羌背叛。犯塞。時充國年七

十餘。上老之。使御史大夫丙吉問誰可將者。充國對曰。亡

踰於老臣者。臣願馳至金城。圖上方略。師古云。圖。其地形。并為攻討方畧。俱

也。奏上。充國常以遠斥候為務。斥。度也。候。視望也。行。必為戰

備。止必堅營壁。尤能持重。愛士卒。先計而後戰。遂至西部

都尉府。孟康云。在金城。日饗軍士。士皆欲為用。虜數挑戰。充國堅

守。捕得生口。言羌豪相責曰。語汝亡。及今天子遣趙將軍

來。年八九十矣。善為兵。今請欲一鬪而死。可得邪。充國引

兵至先零。西羌之種。虜弃車重。車重。載器物車。赴水溺死者數百。降斬

五百餘。後罕拜不煩兵而下。罕。拜也。西。遂上屯田。便宜十

二事。上聽其計。後罷屯兵。振旅而還。言勝而還也。軍出。日治兵。入日振旅。乞

骸骨。賜安車駟馬黃金罷就第。每有四夷大議。常與參兵

謀。問籌策。薨。謚壯侯。初充國以功德與霍光等列。畫未央

宮成帝時。西羌有警。上思將帥之臣。追美充國。迺召黃門郎楊雄。即圖畫而頌之。師古云。即就也。於畫側而書頌。

王衍風鑒

許劭月旦

晉書。王衍字夷甫。神情明秀。風姿詳雅。嘗造中濤。既去。濤目送之。曰。何物老嫗。生寧馨兒。寧馨猶言如此也。晉人語也。然誤天下蒼生者。未必非此人。武帝聞其名。問其從兄戎。曰。夷甫當世誰比。戎曰。未見其比。當從古人中求耳。補元城令。終日清談。縣務亦理。衍有盛才美貌。明悟若神。常自比子貢。聲名藉甚。藉甚。言到處。讀稱甚。喜空言。虛無之理。曰空。惟談老莊為事。每捉玉柄麈尾。與手同色。義理有所不安。隨即改更。世號口中雌黃。古人書用黃紙。其改竄者。以雌黃滅誤字。朝野翕然謂之。一世龍門。言同口也。後漢李膺為人所慕。士有被其容接者。名為登龍。累居門。此以魚為喻。龍門水險。魚龍莫能上。得上則為龍。

顯職。後進景慕。景仰也。歷尚書令。及石勒寇京師。以衍都督征討諸軍事。遷大尉。眾共推為元帥。舉軍為勒所破。衍欲求自免。勸勸稱尊號。勒怒曰。君名蓋四海。身居重任。少壯登朝。至於白首。何得言不豫。世事邪。勸呼衍與語。衍自說使人夜排墻填殺之。謂壓殺也。王戎謂王衍神姿高徹。如瑤林瓊樹。自然是風塵表物。王敦曰。夷甫處眾中。如珠玉在瓦石間。顧愷之作畫。贊亦稱衍。巖巖清峙。壁立千仞。其為人所尚如此。

後漢許劭字子將。汝南平輿人。少峻名節。好人倫。優人必論。此語二字評。多所賞識。時郭太亦知人。故天下言拔士者。稱許郭。曹操微時。常早辭。厚禮求為己目。目。題目也。品藻為題。且劭鄙其人。曰。君清平之姦賊。亂世之英雄。操大悅而去。初

五

卷之二十一

劭與從兄靖俱有高名。好共覈論。鄉黨人物覈猶實也。每月輒更其品題。故汝南俗有月旦評焉。舉方正敦樸。不就。兄虔亦知名。汝南稱平輿。淵有二龍焉。

賀循儒宗

孫綽才冠

晉書賀循字彥先。會稽山陰人。操尚高厲。厲嚴正也。童齒不羣。八歲言行進止。必以禮讓。建武初。為中書令。加散騎常侍。固辭。改拜太常。朝廷疑滯。皆諮之。循輒依經禮而對。經禮義

禮文

為世儒宗

晉書孫綽字興公。馮翊太守楚之子。博學善屬文。居會稽。遊放山水十餘年。絕重張衡左思賦。每云三都二京五經之鼓吹也。言為羽翼也。譬之樂章之待鼓吹以成也。嘗作天台賦。辭致甚工。初成。以示友人范榮期。云。卿試擲地。當作金石。聲榮期曰。

恐此金石非中宮商。然每至佳句。輒云。應是我輩語。非他人之所能

除著作郎。後轉廷尉卿。綽少以文才稱。于時文士綽為其冠。温王郁庾諸公薨。温王。王導。起。庾亮。必須綽為碑文。然後刊石焉。

太叔辯給

摯仲辭翰

晉書摯虞字仲洽。京兆長安人。才學通博。著述不倦。舉賢良策。為下第。第。有上下。中。下。拜中郎。武帝詔會東堂策問。對畢。擢太子舍人。歷太常卿。虞性愛士。人有表薦者。常為其辭。東平。太叔廣。樞機清辯。樞機。要也。言言清辯。而得要也。廣談虞不能對。虞筆廣不能答。更相嗤笑。紛然於世云。

山濤識量

毛玠公方

晉書山濤字巨源。河內懷人。少有器量。介然不羣。介然。有分。辨。貌。

十三

年四十始為郡上計掾舉孝廉武帝時遷吏部尚書前後
選舉周徧內外內外京官並得其才官至右僕射贈司徒
初濤布衣家貧謂妻韓氏曰忍飢寒我後當作三公但不知
卿堪作夫人不耳及居榮貴貞慎儉約謂韓氏也裴楷有知
入鑿嘗謂濤若登山臨下幽然深遠王戎亦目濤如璞玉
渾金渾金渾人皆欽其寶也莫知名其器梁任昉為范雲
讓尚書吏部表云在魏則毛玠公方居晉則山濤識量以
臣况之一何遼落一何亦何也遠
魏志毛玠字孝先陳留平丘人魏太祖為相玠嘗為東曹
掾後漢百官志太尉屬有東西曹掾西曹主府與崔琰並
典選舉其舉用皆清正士雖有盛名而行不由本者終莫
得進務以儉率人由是士以廉節自勵雖貴寵之臣輿服

不敢過度太祖歎曰用人如此使天下人自治吾復何為
哉文帝為五官將親自詣玠屬所親眷玠答曰老臣以能
守職幸得免戾戾罪也今所說人非遷次是以不敢奉命請
謁不行時人憚之初太祖平柳城班所獲器物特以素屏
風素馮几賜玠曰君有古人之風故賜君古人之服玠居
顯位常布衣蔬食賞賜以振施貧族魏國初建為僕射復
典選舉時太子未定而臨菑侯植有寵玠密諫曰近者袁
紹以嫡庶不分覆宗滅國廢立大事非所宜聞非一人臣所
太子後太祖目指曰此古所謂國之司直風詩鄭我之周昌
也周昌諫廢太子
袁盎卻坐 衛瓘撫牀
前漢袁盎字絲安陵人孝文時為中郎將上幸上林皇后

寶皇 慎夫人從其在禁中常同坐師古云高及坐郎署林

直衛署 盜引卻夫人坐夫人怒不肯坐上亦怒起盜因

前說曰臣聞尊卑有序則上下和今陛下既已立后夫人

迺妾主豈可同坐哉且陛下幸之則厚賜之陛下所以為

慎夫人適所以禍之也獨不見人豕乎威夫上迺說入語

慎夫人夫人賜盜金五十斤然亦以數諫不得久居中

晉書衛瓘字伯玉河東安邑人武帝時遷司空為政清簡

甚得朝野聲譽惠帝為太子朝臣咸謂純質不能親政事

惠帝瓘每欲陳啓廢之而未敢發後會宴陵雲臺瓘託醉

因跪帝床前曰臣欲有所啓欲言而止者三因以手撫床

曰此座可惜帝悟因謬曰謬伴不公真大醉邪瓘不復有

言賈后由是怨之後出老進位大保就第惠帝立以瓘錄

尚書事賈后素怨瓘且忌其方直不得騁己淫虐啓帝作

于公高門

曹參趣裝

前漢于定國字曼倩東海郟人其父于公為縣獄吏郡決

曹主罪法事決獄平罹文法者師古云羅羅于公所決皆不恨

郡中為之生立祠始其閭門壞父老方共治之于公謂曰

少高大閭門令容駟馬高蓋車我治獄多陰德未嘗有所

冤子孫必有興者至定國宣帝時為丞相封西平侯子永

為御史大夫封侯傳世云

前漢曹參沛人從高祖有功割符封平陽侯高祖以長子

肥為齊王以參為相國九年齊國安集大稱賢相蕭何薨

參聞之告舍人趣治行師古云舍人猶家人也趣讀吾且

曰促治行謂飾治行裝也

史記卷之...

列傳

列傳

列傳

入相居無何果召參參代何為相舉事無所變更一遵何之約束參薨百姓歌之曰蕭何為相講若畫一師古云講和也畫一齊言整曹參代之守而勿失載其清淨師古云載猶乘也民以寧一

庶女振風

鄒衍降霜

淮南子曰庶女告天雷電下擊景公臺墮支體傷折海水大出許慎曰庶賤之女齊之寡婦無子不嫁事姑謹敬姑無男有女女利母財令母嫁婦婦終不肯女殺母以誣婦殺婦不能自明冤結告天燕鄰衍事燕惠王左右譖之被繫於獄仰天而哭盛夏天地為之降霜江淹書曰昔者賤臣叩心叩心言恨也飛霜擊於燕地庶女告天振風襲於齊堂襲入也

范冉生塵

晏嬰脫粟

後漢范冉字史雲冉或作丹陳留外黃人受業通經注受業於樊英就馬融通好違時絕俗為激詭之行激逆也常慕梁伯鸞閔仲叔之為人桓帝時為萊蕪長遭母憂母憂也不到官後辟大尉府以狷急狷急猶急也常佩韋於朝史記云西門豹性急佩韋以自緩效之議者欲以為侍御史因遁逃梁沛間賣卜於市遭黨人禁錮遂推鹿車載妻子鹿車柴車也窄小裙拾自資拾遺穗以自給也詩云彼有遺秉此有滯穗伊寡婦之利或寓息客廬或依宿樹蔭如此十餘年乃結草室而居有時絕粒窮居自若閭里歌之曰甑中生塵范史雲甑炊飯器釜中生魚范萊蕪晏子春秋曰晏嬰字平仲為齊相常食脫粟米脫粟米才言不精不重味

詰汾興魏

鼂令王蜀

一季紀

北史魏聖武皇帝諱詰汾嘗田於山澤見輜輶自天而下
輜輶四面有屏蔽既至見美婦人自稱天女受命相偶
之車婦人車也也偶
也早日請還期年周時復會于此言終而別及期帝至先
田處果見天女以所生男授帝曰此君之子也當世為帝
王語訖而去即始祖神元皇帝也故時人謬曰詰汾皇帝
無婦家力微皇帝無舅家力微神元諱

蜀王本記曰荆人鼈令死其屍流亡隨江水上至成都見
蜀王杜宇見之立以為相為相鼈令杜宇號望帝蜀始王曰
宇自號自以德不如鼈令以其國禪之鼈令號開明帝下
至五代有開明尚始去帝號復稱王

不疑誣金

卞和泣玉

十六列傳

前漢直木疑南陽人為郎事文帝其同舍有告歸也告歸告假

歸誤持其同舍郎金去已而同舍郎覺亡意不疑史記亡
字下讀覺不疑謝有之買金償後告歸者至而歸金亡金郎
大慙以此稱為長者稍遷中大夫朝廷見人或毀曰師古
於關廷大朝見不疑狀貌甚美然善盜嫂何也不疑聞曰
我乃無兄然終不自明景帝末為御史大夫

韓非子曰楚人和氏故曰卞和得玉璞楚山中奉獻厲王
王使玉人相之曰石也王以和為詐韓子作而別其左足
及武王即位和又獻之王使玉人相之又曰石也王又以
和為詐而別其右足世有論卞和者不知其寓言也不爾
則和蓋剖而自若欲彰其識之名與
威焉文王即位和乃抱其璞而哭於楚山之下三日三夜
泣盡而繼之以血泣無聲也王聞之使人問其故曰天下之
別者多矣子奚哭之悲和曰吾非悲別也悲夫寶玉而題

之以石貞士而名之以詐此吾所以悲也王乃使玉人理其璞而得寶焉遂命曰和氏之璧

檀卿沐猴

謝尚鵠鵠

前漢平恩侯許伯入第師古云治第新丞相御史將軍中二千石皆賀蓋寬饒為司隸校尉不行許伯請之迺往酒酣樂作長信少府檀長卿起舞為沐猴與狗鬪師古云沐猴與狗鬪也坐皆大笑寬饒不說因起趨出劾奏長信少府以列卿而沐猴舞失禮不敬宜帝欲罪少府許伯為謝迺解寬饒字次公魏郡人明經以孝廉為郎舉方正對策高第為人剛直高節志在奉公然深刻喜陷害人又好言事刺譏奸犯上意時上方用刑法信任宦官寬饒奏曰方今聖道寤廢儒術不行以刑餘為周召以法律為詩書又引韓氏易傳

言五帝官天下三王家天下家以傳子官以傳賢若四時之運功成者去上以其怨謗遂下吏本傳功成者去下有不得其人則去其位文故執金吾議以為寬饒指意欲求禪大逆不道自剄

晉謝尚字仁祖八歲神悟夙成其父鯤嘗攜之送客或曰此兒一座之顏回也尚曰坐無尼父焉別顏回席賓歎異

及長善音樂博綜眾藝王導比之王戎長呼為小安豐王戎

封安豐侯故云辟為掾始到府通謁導以其有勝會也勝會猶盛會也謂延佳賓謂曰聞君能作鵠鵠舞一座傾想尚便著衣憤而舞憤

導令坐者撫掌擊節尚俯仰其中旁若無人其率詣

如此率真率也終衛將軍散騎常侍

太初日月

季野陽秋

魏志夏侯玄字太初沛國譙人少知名弱冠為黃門侍郎

嘗進見與皇后弟毛曾並坐。玄耻之，不悅，形於色。明帝恨之，左遷羽林監。世說曰：曾與玄共坐，時人謂蒹葭倚玉樹也。蒹葭，微物也。喻毛曾。又云：朗朗如日月之入懷也。謂玄也。

晉褚裒字季野，河南陽翟人。康獻皇后父也。少有簡貴之風，與杜乂俱有盛名。冠于中興。謂東晉元帝之世也。桓彝目之曰：季野有皮裏陽秋。陽秋，即春秋也。諱阿春。言其外無臧否，而內有所褒貶也。謝安亦雅重之。常云：裒雖不言，而四時之氣亦備矣。裒，敗有，輕重如四時。有寒有熱，有冷有暖。仕至征北大將軍。

荀陳德星

李郭仙舟

異苑：陳寔字仲弓，荀淑字季和，仲弓與諸子姪造季和父子討論。新刻本脫討論二字，蓋據世說刪之。而此引異苑不可刪矣。于時德星聚。德星，景星也。太史奏曰：五百里內有賢人聚。

列傳 五十八

後漢郭太，字林宗，太原界休人。家世貧賤。博通墳籍，善談論，美音制。制，節制也。言遊洛陽，始見河南尹李膺。膺大奇之，遂相友善，名震京師。後歸鄉里，諸儒送至河上，車數千兩。林宗唯與膺同舟，而濟。膺送而賓客望之以為神仙焉。

王恽綉被

張氏銅鈎

列傳 七十一

後漢王恽字少林，廣漢新都人。嘗詣京師，於空舍中見一書生，金彥疾困，愍而視之。生曰：我命在須臾，腰下有金十斤，願以相贈。死後乞藏骸骨，已而命絕。恽鬻一斤，營葬。餘悉置棺下，人無知者。恽後署大度亭長。代領初到有馬馳入亭中而止。其日大風飄，一綉被復隨恽前，即言之於縣。縣以歸恽。後乘馬到雒縣，主人見之，問所由，得馬。恽具說。

陳雷膠漆 范張雞黍

一七十

後漢陳重字景公。豫章宜春人。少與鄱陽雷義為友。義字仲公。太守舉重。孝廉。重以讓義。太守不聽。義明年舉。孝廉。俱在郎署。署。解署也。後俱拜尚書郎。義代同時人受罪。以此黜退。重見義去。亦以病免。義後舉茂才。茂才。取士科目。本日秀木。避光武諱。曰茂才。讓於重。不應命。鄉里為之語曰。膠漆自謂堅。不如陳與雷。三府同時俱辟。三府。大尉。司徒。司空。並至御史。

後漢范式字巨卿。山陽金鄉人。少遊大學。與汝南張劭為友。劭字元伯。二人並告歸鄉里。式謂元伯曰。後二年當還。將過拜尊親。見孺子焉。注云。見其子也。孺子。稚子也。乃共剋期。日後期方至。元伯具以白母。請設饌以候之。迎也。母曰。二年之別。千里結言。爾何相信之審。對曰。巨卿信士。必不乖違。母曰。

若然。當為爾醞酒。醞。釀也。至其日。巨卿果到。升堂拜飲。盡歡而別。舊注引殺雞炊黍事。無載。據題此。二事不可闕。

周侯山嶷 會稽霞舉

實錄

世說曰。世目周侯嶷如斷山。嶷。高貌。注晉陽秋曰。嶷正情嶷然。雖一時儕類。皆無敢媒近。媒。狎也。周侯謂周顛也。

晉書

世說曰。海西時。東晉廢帝交。降為海西公。諸公每朝。朝堂猶暗。唯會稽王來。軒軒如朝霞。舉。軒。軒高也。會稽王謂道子也。司馬道子也。

季布一諾 阮瞻三語

晉書

前漢季布楚人。任俠有名。任俠。解見于。頂籍使將兵數窘高祖。如淳云。窘困也。籍滅。高祖購求布千金。敢有舍匿。罪三族。師古云。舍。止也。

布之衣也。賤者所服。置廣柳車中。喪車也。并與其家僮數

鐵束頸也。師古云。褐。毛

十之魯朱家所賣之。朱家心知其季布也。乃見汝陰侯滕公。師古云夏說曰：季布何罪？臣各為其主用職耳。項氏臣可盡誅耶？今上始得天下，而以私怨求一人，何示不廣也？滕公言於上，上乃赦布，召見，拜郎中。後為河東守。布初不說辯士，曹丘生至，揖布曰：楚人諺曰：得黃金百，不如得季布諾。足下何以得此聲？梁楚之間哉？僕與足下俱楚人，使僕游揚足下，名顧不美乎？何距僕深也？布大說，引為上客。史記得黃金百斤，不如得季布諾。

晉阮瞻字千里，始平太守咸之子。性清虛寡欲，自得於懷，讀書不甚研求，而默識其要，遇理而辯，辭不足而旨有餘。見司徒王戎，戎問曰：聖人貴名教，老莊明自然，其旨同異？瞻曰：將無同。將將然之辭也。偏修則無同善，戎咨嗟良久。修則同在修之耳。故云將無同。

即命辟之。時謂之三語掾。永嘉中為太子舍人。瞻素執無鬼論，自謂此理可以辯正。幽明忽有客通名，謁瞻。瞻與之言良久，及鬼神之事，反覆甚苦。客遂屈，乃作色曰：鬼神古今聖賢所共傳，君何得獨言無？即僕便是鬼。於是變為異形，須臾消滅。瞻大惡，歲餘病卒。

郭文遊山

袁宏泊渚

晉書郭文字文舉，河內軹人。少愛山水，尚嘉遯。易云嘉每游山林，彌旬忘反。父母終，不娶，辭家游名山。洛陽陷，西晉末亂乃步擔入吳興餘杭，大辟山中。窮谷無人之地，倚木於樹，苔覆其上，而居焉。亦無壁障，時猛獸為暴，而文獨宿十餘年，卒無患。常著鹿裘葛巾，不飲酒，食肉。王導召置園中，七年未嘗出入。後逃歸臨安，結廬山中。

三幸

晉袁宏字彥伯陳郡陽夏人有逸才文章絕美謝尚時鎮牛渚秋夜乘月與左右微服泛江微服變服使人不識也識也不顯曰微不會宏在舫中諷詠聲清辭文藻拔遣問焉遣人問之即迎升舟與譚論申旦不寐申達也自此名譽日茂謝安常賞其機對辯速後安為揚州刺史宏出為東陽郡乃祖道於冶亭祖道謂餞也祭于其側曰餞時賢皆集安欲以卒迫試之臨別執其手顧左右取一扇授之曰聊以贈行宏曰輒當奉揚仁風慰彼黎庶時人歎其率而要焉率倉卒也

黃琬對日

秦宓論天

後漢黃琬字子琰江夏安陸人少辯慧祖父瓊初為魏郡太守建和元年正月日食京師不見瓊以狀聞太后詔問所食多少瓊對未知所况况譬也琬年七歲在旁曰何不言

一幸

卷八

日食之餘如月之初瓊大驚以其言應詔深奇愛之後瓊為司徒琬以公孫拜童子郎司徒三公也不就知名京師獻帝初遷大尉坐免及徙西都起為司隸校尉與司徒王允同謀誅董卓為卓將李傕所害

蜀志秦宓字子勅廣漢綿竹人少有才學拜長水校尉吳遣使張溫來聘百官往餞餞送也溫歸吳眾集而宓未往丞相亮遣使促之溫曰彼何人也亮曰益州學士也及至溫問曰君學乎宓曰五尺童子皆學二十歲半何必小人溫復問曰天有頭乎宓曰有本傳此下有溫在西方詩曰乃眷西顧矣大雅阜以此推之溫曰天有耳乎宓曰天處高而聽卑詩云鶴鳴九臯聲聞于天小雅鶴無耳何以聽之溫曰天有足乎宓曰詩云天步艱難小雅白無足何以步之溫曰天

有姓乎。宓曰：姓劉。天子姓劉，以此知之。溫曰：日生於東乎。宓曰：雖生於東而沒於西，答問如響應聲。溫大敬服。宓之文辯皆此類。舊本宓誤作宓。

孟軻養素

楊雄草玄

史記孟軻鄒人。受業子思之門人。道既通，游事齊宣王、梁惠王，皆不能用。以為迂遠而闕於事情。是時天下方務合從連衡以攻伐為賢，而孟軻乃述唐虞三代之德，是以所如者不合。退而與萬章之徒序詩書述仲尼之意，作書七篇。嘗曰：我善養吾浩然之氣。養其質以全真性謂之養素。前漢楊雄字子雲，蜀郡成都人。有田一壥。晉灼云：一壥，一區也。世世以農桑為業。雄少而好學，不為章句訓詁。字義也。通而已。通大義，博覽無所不見。為人簡易佚蕩。

十四

五十七

云佚蕩，口吃，不能劇談。晉灼云：劇，甚也。疾也。不能盡言，疾言。默而好深湛之思。湛，讀清靜。亡為少者欲。不汲汲於富貴，不戚戚於貧賤。師古云：汲汲，欲速也。戚戚，憂貌。不修廉隅以徼名當世。徼，要也。家產不過十金之無儋石之儲。晏如也。儋，負擔也。一石，言人儋之。自有大度，非聖哲之書，不好。非其意，雖富貴不事。哀帝時，丁傅、董賢用事。丁，哀帝母丁氏兄明。傅，傅太后父傅晏。諸附離之者，離著也。或起家至二千石，時雄方草太玄，有以自守。泊如也。泊，安也。或譏雄以玄尚白，雄解之，號曰解嘲。客有難玄太深，眾人之不好，雄解之，號曰解難。

向秀聞笛

伯牙絕絃

晉書向秀，字子期，河內懷人。清悟有遠識，少為山濤所知。雅好老莊之學。莊周內外篇、歷世雖有觀者，莫適論。

十九

卷之上

其旨統秀乃為之解發明奇趣振起玄風讀之者超然心
悟郭象又述而廣之儒墨之迹見鄙道家之言遂盛焉稽
康善鍛秀為之佐相對欣然旁若無人康誅秀入洛作思
舊賦云嵇博綜技藝於絲竹特妙臨當就命也顧視日
影索琴而彈之逝將西邁之京西經其舊廬于時日薄
虞泉虞泉入處也寒水凄然鄰人有吹笛者發聲寥亮寥亮高遠也
追想曩昔遊宴之好感音而歎故作賦云後為散騎常侍
在朝不任職容迹而已

列子曰伯牙善鼓琴鍾子期善聽伯牙鼓琴志在高山子
期曰善哉我我乎若泰山我我高山高大貌志在流水子期曰善哉
洋洋兮若江河洋洋大水貌伯牙所念子期必得之呂氏春秋
曰鍾子期死伯牙破琴絕絃終身不復鼓琴以為無足為

鼓者

郭槐自屈

南康猶憐

晉書賈充字公閭平陽襄陵人前妻李豐女豐誅李氏坐
流徙後娶郭槐郭配女號廣城君武帝踐阼李以赦還特
詔充置左右夫人郭槐性妬忌怒攘袂數充曰刊定律令
充嘗刊充嘗刊為佐命之功我有其分李那得與我並充乃為李
築室於永平里而不往來惠帝為太子納槐女為妃初槐
欲省李氏充曰彼有才氣卿往不如不往及女為妃乃盛
威儀而去去行既入戶李氏出迎槐不覺脚屈因遂再拜
自是充每出槐使人尋之恐其過李氏李氏淑美有才行
作女訓行於世舊本槐作隗非
世說曰桓温尚明帝女南康公主温平蜀以李勢妹為妾

甚有寵。嘗著別齋。後嘗與常通。主聞與數十婢拔刃襲之。值李梳頭髮垂地。姿貌端麗。乃徐下地。結髮歛手。向主曰。國破家亡。無心至此。今日若能見殺。猶生之年。神色閑正。辭氣悽惋。悽惋悲也。主於是擲刀前抱之。曰。我見汝亦憐。何況老奴。遂善遇之。

魯恭馴雉

宋均去獸

後漢魯恭字仲康。扶風平陵人。肅宗時。拜中牟令。專以德化為理。治不任刑罰。郡國螟傷稼。犬牙緣界。不入中牟。土地相交也。如犬牙。河南尹袁安聞之。疑其不實。使仁恕掾肥親往廉之。廉察也。恭隨行。阡陌俱坐桑下。有雉過。止其傍。傍有童兒親曰。兒何不捕之。兒言雉方將雛。親瞿然起。與恭訣曰。所以來者。欲察君政迹耳。今蟲不犯境。化及鳥獸。豎

子有仁心。三異也。還府。以狀白安。是歲嘉禾生。恭便坐庭中。安上書言狀。帝異之。在事三年。州舉尤異。去官。吏人思之。後為司徒。性謙退。奏議依經。潛有補益。然不自顯。故不以剛直為稱。

後漢宋均字叔庠。南陽安衆人。光武時。遷九江太守。郡多虎暴。數為民患。常募設檻穿。募殺虎者。又設檻穿。檻為多傷害。均到。下記屬縣曰。夫虎豹在山。鼉鼉在水。各有所託。且江淮之有猛獸。猶北土之有雞豚也。今為民害。咎在殘吏。而勞動張捕。非憂恤之本。可一去檻穿。其後傳言虎相與東游度江。

廣客蛇影

殷師牛鬪

晉書樂廣字彥輔。南陽滎陽人。遷河南尹。常有親客。親睦之客。

來久闊不復來。久遠廣問其故。答曰：前在坐蒙賜酒，方飲忽見盃中有蛇，意甚惡之。既飲而疾于時。河南廳事壁上，有角弓。用角飾漆畫作蛇，廣意盃中蛇，即角弓影也。復置酒於前，處謂客曰：盃中復有所見，不答曰：所見如初。廣乃告其所以，客豁然意解。沈疴頓愈。廣所在為政，無當時功譽。每去職，遺愛為人所思。凡論人，必先稱其所長，則所短不言而自見。後代王戎為尚書令，始戎薦廣而終踐其位。代戎而時人美之

晉殷仲堪，陳郡人。父師晉陵太守。初師病積年，仲堪衣不解帶，躬學醫術，究其精妙，執藥揮淚，遂眇一目。居喪毀，以孝聞。孝武帝召為中庶子，甚相親愛。其父仲堪嘗患耳聰，聞牀下蟻動，謂之牛鬪。帝素聞之，而不知其人，至是問仲

堪曰：患此者為誰？仲堪流涕而起，曰：臣進退維谷。退維帝有愧焉。仲堪能清言，每云：三日不讀道德論，便覺舌本間彊。其談理與韓康伯齊名。後假節鎮江陵，為桓玄追兵逼殺。

元禮模楷 **季彥領袖**

後漢李膺字元禮，潁川襄城人。性簡亢，無所交接。舉孝廉。高第遷河南尹。及黨議起，流言轉入大學。諸生三萬餘人，郭林宗賈偉節為其冠。並與膺陳蕃、王暢更相褒重。學中語曰：天下模楷李元禮，不畏彊禦。陳仲舉。詩云：不畏彊天下俊秀王叔茂。暢字時張成善風角。角隅也。侯四隅推占當赦。前知赦教子殺人，膺按殺之。其弟子上書告膺等，共為部黨，誹訕朝廷。桓帝震怒，逮捕黨人，收執膺等，後赦歸田里。

卷之七 列傳

翼而飛。無足而走。解嚴毅之顏。開難發之口。錢多者處前。少者居後。錢之所祐。吉無不利。何必讀書。然後富貴。昔呂公欣悅於空版。漢書呂公客於沛令沛中豪傑聞令有重客皆往賀高祖給為謁賀錢萬實不持一錢漢高克之於贏。二克負荷也贏餘也高祖微時役成陽何二千戶以嘗役文君解布裳而被錦綉相如乘高蓋而解犢鼻如錢十萬也官尊名顯皆錢所致。無德而尊。無勢而熱。排金門而入紫闈。危可使安。死可使活。貴可使賤。生可使殺。諺曰：錢無耳。可使鬼。凡今之人。唯錢而已。疾時者傳其文。後莫知所終。

後漢崔烈。涿郡安平人。有重名於北州。歷郡守九卿。靈帝時。開鴻都門。榜賣官爵。懸榜示告公卿以下。皆有差。富者先入。錢貧者到官。而後倍輸。或因常侍阿保。別自通達。注云阿保謂傳

列傳四十一

也。是時段熲等。雖有功勳名譽。然皆先輸貨財。而後登公位。烈因傳母入錢五百萬為司徒。嘗問其子鈞曰：吾居三公。於議者如何。鈞曰：大人少有英稱。歷位卿守。人謂當為三公。今登其位。天下失望。烈曰：何為然也。鈞曰：論者嫌其銅臭。後拜大尉。董卓既誅。拜城門校尉。

梁竦廟食 **趙溫雄飛**

後漢梁竦字叔敬。安定烏氏人。閉門自養。以經籍為娛。著書數篇。名曰七序。班固見而稱曰：孔子著春秋。而亂臣賊子懼。梁竦作七序。而竊位素餐者慙。竦自負其才。鬱鬱不得意。嘗登高遠望。歎息言曰：大丈夫居世。生當封侯。死當廟食。如其不然。閑居可以養志。詩書足以自娛。州郡之職。徒勞人耳。後辟命不就。肅宗納其二女。皆為貴人。女小貴

列傳四十二

人生和帝寶皇后養以為子。諸寶恐梁氏得志為己害，遂譖殺二貴人而陷竦，以惡逆死獄中。和帝立，追封褒親愍侯。

十七釋

後漢趙溫字子柔，蜀郡成都人。初為京兆郡丞，歎曰：「大丈夫當雄飛，安能雌伏？」遂弃官去。歲饑，散家糧振窮餓，所活萬餘人。獻帝西遷，遷都長安，遂為三公。

枚乘蒲輪

鄭均白衣

前漢枚乘字叔，淮陰人。為吳王濞郎中。王謀為逆，乘奏書諫，王不用。卒見禽滅，乘由是知名。景帝召拜弘農都尉。乘久為大國上賓，與英俊並游，不樂郡吏。以病去官，復遊梁。及孝王薨，歸淮陰。武帝即位，乘年老，迺以安車蒲輪徵乘。師古云：安車，半乘之車也。蒲輪，以蒲裹輪，道死。

二十列傳

十七釋

後漢鄭均字仲虞，東平任城人。少好黃老，書建初中舉。直言不諂，公車特徵。公車徵解見于羊祜識環下再遷尚書，數納忠言。肅宗重之，後告歸。帝東巡，乃幸均舍，勅賜尚書祿。尚書祿每月七十石以終其身。時號為白衣尚書。

陵母伏劍

軻親斷機

前漢王陵沛人。高祖起，陵亦聚黨數千人。及高祖擊項羽，迺以兵屬漢。羽取陵母，置軍中。陵使至，則東向坐。陵母以招陵，陵母私送使者泣曰：「為妾語陵，善事漢王。漢王長者，母以老妾故，持一心，妾以死送使者，遂伏劍而死。」音無古列女傳：鄒孟軻母，其舍近墓。孟子少嬉遊，新刻本作好嬉遊，非也。列女傳作嬉遊。為墓間之事。孟母曰：「此非吾所以居處子也。乃去舍，市傍，其嬉戲，乃賈人銜賣之事。」銜，自媒也。又曰：「此非吾所以居

十釋

處子也。復徙舍學官之旁。其嬉戲乃設俎豆。揖讓進退。孟母曰。真可以居吾子矣。遂居。及孟子既學而歸。孟母問學所至。孟子曰。自若也。孟母以刀斷其織。曰。子之廢學若吾斷斯織也。孟子懼。且夕勤學不息。師事子思。遂成名儒。君子謂孟母知為人母之道。

齊后破環

謝女解圍

戰國策曰。齊閔王遇弒。其子法章變姓名為莒太史家庸夫。庸與太史敷女奇其狀貌。以為非常人。憐而常竊衣食之。與私焉。法章立是為襄王。以太史氏女為王后。襄王卒。子建立后事。秦謹與諸侯信。以故建立四十餘年不受兵。此終秦昭王嘗使使者遺后玉連環。兩環相貫。曰齊多智。解此環。不后以示羣臣。羣臣不知解。后引椎椎破之。謝秦使

曰謹以解矣。

列傳 九十 女傳

晉王凝之妻謝氏。字道韞。聰識有才辯。叔父安嘗問詩何句最佳。道韞稱。吉甫作誦。穆如清風。仲山甫永懷。以慰其心。大雅。安謂有雅人深致。言鑿賞有。又嘗內集。俄而雪驟。下安曰。何所似也。安兄子朗曰。散鹽空中。差可擬。道韞曰。未若柳絮因風起。安大悅。凝之弟獻之嘗與賓客談議。詞理將屈。道韞遣婢白獻之曰。欲為小郎解圍。乃施青綾步障。自蔽。申獻之前。議客不能屈。

鑿金齒尺牘

荀勗音律

列傳 五十 二

晉書。習鑿齒字彥威。襄陽人。少有志氣。博學洽聞。以文筆著稱。荆州刺史桓溫辟為從事。累遷別駕。溫出征伐。鑿齒或從或守。所在任職。每處機要。益事有績。善尺牘論議。溫

後世叢書

卷之十一

如

甚器遇之。出為滎陽太守。時溫覬覦非望。覬覦欲得也。非望帝位也。鑿齒在郡。著漢晉春秋。以載正之。起漢光武。終晉愍帝。後徵典國史。會卒。初鑿齒嘗與孫綽共行。綽性通率。不瑣也。好譏調。時綽在前。願鑿齒曰。沙之沙之。瓦石在後。沙淘也。沙澆也。齒曰。欺之。颺之。颺去糠粃也。糠粃在前。

九列傳

晉荀勗字公曾。潁川潁陰人。漢司空爽曾孫。岐嶷夙成。岐嶷小兒有知也。十餘歲能屬文。長博學。達於從政。武帝受禪。拜中書監。加侍中。領著作。與賈充共定律令。既掌樂事。又修律呂。並行於世。初勗於路逢趙賈人。牛鐸。牛所繫鐸。識其聲。及掌樂音韻。未調。乃曰。得趙之牛鐸。則諧矣。遂下郡國。悉送牛鐸。果得諧者。又嘗在帝坐。進飯。謂在坐人曰。此勞薪所炊。帝遣問膳夫。實用故車脚。舉世伏其明識。後守尚書令。

未為真也。勗久在中書。專管機事。及失之。甚悵悵。或有賀之者。勗曰。奪我鳳凰池。中書省以樞近之地。多承寵任。人固其位。謂之鳳凰池。諸君賀我。

耶。初太子婚未定。勗與左衛將軍馮統同。帝問。並稱賈充女才色絕世。遂成婚。當時甚為正直者所疾。而獲佞媚之譏。帝素知太子闇弱。恐後亂國。遣勗及和嶠往觀之。勗還盛稱太子之德。而嶠云。太子如初。於是天下貴嶠而賤勗。

胡威推謙

陸績懷橘

六十一

晉書。胡威字伯武。淮南壽春人。父質。以忠清稱。仕魏為荊州刺史。威自京都定省。往問父安否。家貧。無車馬。僮僕自驅驢。單行。既至。見父。而歸。父賜綰一匹。威曰。大人清高。何得此。綰答曰。是吾俸祿之餘。威受之。辭歸。卒取與質。帳下都督後為徐州刺史。勤於政術。風化大行。入朝。武帝謂曰。卿孰

與父清對曰。臣父清恐人知。臣清恐人不知。是臣不及遠也。

二拳

吳志。陸績字公紀。吳人。年六歲。於九江見袁術。術出橘。績懷三枚。去拜辭。墮地。術謂曰。陸郎作賓客。而懷橘乎。績跪曰。欲歸遺母。術大奇之。績博學多識。星歷算數。無不該覽。孫權辟為掾。以直道見憚。出為鬱林太守。加偏將軍。左將軍。績意在儒雅。非其志也。將軍之任。非其志也。雖有軍事。著述不廢。作渾天圖。注易。釋玄。皆傳於世。

羅含吞鳥

江淹夢筆

晉書。羅含字君章。梓陽耒陽人。幼孤。為叔母朱氏所養。少有志尚。嘗晝臥。夢一鳥文彩異常。飛入口中。因起驚說之。朱氏曰。鳥有文彩。汝後必有文章。自此藻思日新。藻思。文思也。

列傳 六十

江夏守謝尚稱曰。君章可謂湘中之琳琅。桓温以為江左之秀。累遷長沙相。致仕。加中散大夫。門施行馬。行馬。解見。于王覽友。弟初含在官舍。有一白雀。栖集堂宇。及還家。階庭忽蘭菊叢生。以為德化之感。

列傳 九十

南史。江淹字文通。濟陽考城人。少孤貧。嘗慕司馬長卿梁伯鸞之為人。不事章句之學。留情文章。仕齊為侍中秘書監。入梁。至金紫光祿大夫。淹以文章顯。晚節才思微退。云為宣城太守。時罷歸。夢一人自稱張景陽。張協字景陽。名於詩藻。謂曰。前以一匹錦。相寄。今可見還。淹探懷中。得數尺。與之。此人大恚曰。那得割截都盡。顧見丘遲。謂曰。丘遲字希範。解。餘。此數尺。既無所用。以遺君。自爾淹文章躓矣。又嘗夢一文夫自稱郭璞。謂曰。吾有筆在卿處多年。可以見還。淹乃探

懷中得五色筆一以授之。爾後為詩絕無美句。時人謂之才盡。

李歆清貞

劉麟高率

世說李歆茂曾第五子。清貞有遠操。少羸病不肯督官。王丞相導欲招禮之。辟為府掾。歆得戕命笑曰。茂弘導字乃復以爵假人。欲假我矣

晉書

劉麟之字子驥。南陽人。少尚質素。虛退寡欲。不修儀操。節操人莫之知。好游山澤。志存遯逸。車騎將軍桓冲聞其名。請為長史。麟之固辭。居于陽岐。來往莫不投之。必麟之躬自供給。士君子頗以勞累更憚過焉。凡人致贈一無所受。世說載麟之高率。高尚真率善史傳。

蔣詡三逕

許由一瓢

前漢

蔣詡字元卿。杜陵人。為兗州刺史。以廉直為名。王莽居攝。以病免。歸鄉里。三輔決錄曰。詡舍中竹下開三逕。唯故人求仲羊仲從之遊。求仲羊仲皆隱士也。時稱二仲。逸士傳。許由隱箕山。無盃器。以手捧水飲之。人遺一瓢。得以操飲。飲訖掛於木上。風吹漉漉有聲。每風吹瓢時有由以為煩。遂去之。

楊僕移關

杜預建橋

前漢

楊僕宜陽人。武帝時為樓船將軍。初函谷關在弘農。僕既有功。耻為關外民。上書乞徙東關。以家財給其用度。於是徙於新安。去弘農三百里。以故關為弘農縣。晉書杜預字元凱。京兆杜陵人。博學多通。明於興廢之道。常言德不可以企及。立功立言可度幾也。尚文帝妹高陸

後漢書

卷之三

公主拜尚書郎武帝時拜度支尚書預以孟津渡險有覆
沒之患請建河橋于富平津議者以為殷周所都歷聖賢
而不作者必不可立也預曰造舟為梁明大雅大則河橋之
謂也及橋成帝從百僚臨會舉觴屬預曰非君此橋不成
對曰非陛下之明臣亦不得施其微巧

壽王議鼎

杜林駁堯

前漢吾丘壽王字子贛趙人為光祿大夫汾陰得寶鼎薦
見宗廟藏於甘泉宮羣臣皆賀得周鼎壽王獨以為非武
帝問之對曰臣聞周德始乎后稷長於公劉公劉后於
大王大王古成於文武顯於周公德澤上昭天下漏泉師
曰漏言潤澤下無所不通上天報應鼎為周出故名曰周
鼎今漢自高祖繼周至於陛下恢廓祖業功德愈盛天瑞

並至珍祥畢見天祚有德而寶鼎自出迺漢寶非周寶也
上曰善賜黃金十斤

後漢杜林字伯山扶風茂陵人拜侍御史大議郊祀制多
以為周郊后稷郊祀漢當祀堯詔下公卿議議者僉同
光武亦然之林獨以為周室之興祚由后稷漢業特起功
不緣堯祖宗故事所宜因循定林議終大司空

西施捧心

孫壽折腰

莊子曰西施病心而曠其里病心心痛也其里之醜人見
而美之歸亦捧心而曠其里彼知美曠而不知曠之所以
美而後西施西施越女所謂西子也有絕世之美越王勾踐
獻之吳王夫差夫差嬖之卒至傾國

後漢梁冀為大將軍其妻孫壽封襄城君加賜赤紱赤紱

朱熹

也。比長公主。長公主，帝姊也。壽色美，善為妖態，作愁眉，唬妝，墮馬，髻折腰步，齟齬笑。帝處墮馬髻者，側在一邊，折腰步者，足不任體，齟齬笑者，以為媚惑，性鉗忌，能制御冀，性忌害，如若齒痛，不忻忻。冀甚寵憚之，及冀敗自殺。

靈輒扶輪

魏顛結草

左傳曰：晉靈公不君。杜注：失道也。趙宣子驟諫，公患之，飲宣子酒，伏甲將攻之。公嘆夫，爨爾雅云：狗呌，呌，呌也。其車右提彌明搏殺之。宣子曰：弃人，用犬，雖猛何為？杜注：田獵也。舍于翳桑，注：與伏兵，且明死之初，宣子田於首山，獵也。舍于翳桑，注：舍息也，翳桑，桑之多蔭翳者。見靈輒餓不食，三日，宣子食之，舍其半，問之曰：官三年矣，未知母之存否，今近焉。請以遺之，使盡之，而為之，簞食與肉，實諸橐，以與之，既而與為

公介。靈輒為公甲士。倒戟以禦公徒，而免之。問何故，對曰：翳桑之

餓人也，問其名，居所，與不告而退。不望也。遂自亡也。輒亦去。

曰：靈輒扶輪，徐子光注：闕扶輪事，左傳亦不載其事，詳說

引一蒙求，繼明死，下曰：將乘車，公已令人脫一輪，輒以

扶輪，必有其所，據矣。書以待博覽之子。

左傳曰：晉魏顛，武子之子。初，武子有嬖妾，無子。武子疾，命

顛曰：必嫁，是疾病，則曰：必以為殉。用人送死曰殉。及卒，顛嫁之，曰

疾病，則亂。疾病而命。吾從其治也。初命吾。及敗，秦師于輔

氏。杜注：輔地。獲杜回，秦之力人也。顛見老人結草，以亢杜回

也。杜注：九。杜回躡而顛，故獲之夜夢之，曰：余而所嫁婦人之

父也。爾用先人之治命，余是以報。

逸少傾寫

平子絕倒

晉書：王羲之字逸少，司徒導從子。年十三，謁周顛，顛異之。

列傳

卷之十一

卷之十一

五

時重牛心炙坐客未噉頰先割啗之噉皆於是始知名
及長辯瞻以骨體稱骨體剛毅也體作尤善隸書為古
今之冠太尉郝鑿使門生求女婿於導導令徧觀子弟門
生歸謂鑿曰王氏諸少並佳然聞信至咸自矜持古人謂
信矜持惟一人在東床坦腹食坦腹自露獨若不聞鑿曰
正此佳婿邪訪之乃羲之也遂妻之仕至右軍將軍會稽
內史世說曰郝夫人謂二弟司空中郎曰王家見二謝傾
筐倒屣傾也見汝來平平耳無煩復往據彼言二弟情與
曇也二謝安石與萬石也

晉衛玠好言玄理其後多病體羸母常禁其語遇有勝日
勝日謂佳節生辰等親友集會日也親友時請一言無不咨嗟以為入微王
澄字平子有高名少所推服每聞玠言輒歎息絕倒極笑

時人為之語曰衛玠談道平子絕倒澄及王玄王濟並
有盛名皆出玠下世云王家三子不如衛家一兒兄衍有
人倫之鑒尤重澄衍為澄及王敦庾敳目曰阿由是顯名
有經澄所題目者衍不復有言輒云已經平子矣為荊州
刺史為王敦所害劉琨聞澄為敦所

澹臺毀壁 子罕辭寶

博物志曰澹臺字子羽澹臺滅明字子羽渡河齎千金之
璧于河河伯欲之至陽侯波起陽侯大兩蛟挾船子羽左
操壁右操劍擊蛟皆死既渡三投璧于河河伯躍而歸之
子羽毀而去
左傳曰宋人得玉獻諸司城子罕子罕弗受獻玉者曰以
示玉人玉人以為寶故獻之子罕曰我以不貪為寶爾以

襄 奉

玉為寶。若以與我，皆夜寶也。不若人有其寶。

東平為善

司馬稱好

後漢東平憲王蒼，顯宗同母弟，少好經書，雅有智思。顯宗愛重之，拜驃騎將軍，位三公。上王既還國，後朝京師，上問王處家何等最樂。王言為善最樂。肅宗立，恩禮踰於前世。既薨，帝東巡守，幸其宮，追感念蒼，謂其子曰：「思其人，至其鄉，其處在其人亡，因泣下，幸其陵祠以太牢。」

後漢司馬徽，字德操，潁川人，口不談人之短，與人語莫問好惡，皆言好。有鄉人問徽安否，答曰：「好。」有人自陳子死，答曰：「大好。」妻責之曰：「人以君有德，故相告，何忽聞人子死便言好？」徽曰：「卿言亦大好。」

公超霧市

魯般雲梯

後漢張楷，字公超，成都人。家河南，通春秋尚書。本傳云：通尚書，門徒常百人。自父黨夙儒，偕造門，車馬填街，徒從無所止。舍黃門貴戚家，皆起舍巷次，以候過客往來之利。楷疾其如此，貪利，輒徙避之。後隱弘農山中，學者隨之。所居

成市華陰山南，遂有公超市。五府連辟，五府，太傅、太尉、司徒、司空、大將軍也。舉賢良方正，不就。性好道術，能作五里霧。後安車聘之，以疾辭。安車，解見于林乘蒲輪下。

淮南子曰：楚欲攻宋，墨子聞而悼之。宋，墨翟見楚王曰：臣見大王之必傷義而不得宋。王曰：公輸天下之巧士，作為雲梯之械，設以攻宋，曷為弗取？墨子曰：今公輸設攻，臣請守之。於是公輸般設攻，宋之械，墨子設守，宋之備。九攻而墨子九却之，弗能入，乃偃兵，不攻。公輸魯般也。

田單火牛

江道藝雞

史記田單齊諸田疏屬也為臨淄市掾不見知及燕使樂毅伐破齊盡降齊城而單得脫東保即墨燕人攻之單乃收城中_{收牛}得千餘牛為絳繒衣畫五彩龍文束兵刃於其角灌脂束葦於尾燒其端鑿城數十穴夜縱牛壯士五千入隨其後牛尾熱怒而奔燕軍燕軍夜大驚視之皆龍文所觸盡死傷五千人因噉枚擊之城中鼓譟從之老弱皆擊銅器為聲聲動天地燕軍大敗遂復齊七十餘城迎襄王於莒王封單號安平君

三十一傳

晉江道字道載陳留圉人。中軍將軍殷浩請為諮議參軍。遷長史。時羗及丁零叛。浩軍震懼。姚襄去浩十里。結營。浩令道擊之。道進兵至襄營。謂將校

曰：今兵非不精，而眾少於羗，且其塹柵甚固，難與校。力吾當以計破之。乃取數百鷄，以長繩連之，繫火於足。羗雞駭散，飛集襄營，營火發。因其亂而擊之，襄遂小敗。道後遷大常。

蔡裔隕盜

張遼止啼

晉書蔡裔為兗州刺史，有勇氣，聲若雷震，嘗有二盜入室，裔拊床一呼，盜俱隕。裔以軍鋒焉。

卷十

魏志張遼字文遠，鴈門馬邑人，武力過人，數有戰功。戰功有累，轉前將軍。舊注曰：江東小兒啼怖之曰：遼來遼來，無不止者。

陳平多轍

李廣成蹊

前漢陳平陽武戶牖人少家貧好讀書治黃老術為人長大美色及長可取婦取與娶通下同富人莫與者貧者平亦媿之久之富人張負有女孫五嫁夫輒死人莫敢取平欲得之負偉師古云以平為奇偉隨至其家酒負郭窮巷師古云以席為負背也門然門外多長者車轍負歸謂其子仲曰吾欲以女孫予陳平仲曰平貧不事事上事營也治也一縣中盡笑其所為奈何予之女負曰固有美如陳平長貧者乎卒與女子酒肉資以內婦戒其孫曰毋以貧故事人不謹里中社平為宰分肉甚均父老善之平曰使平得宰天下亦如此肉矣從高祖為護軍中尉盡護諸將出黃金四萬斤予平恣所為不問出入平多以金縱反間於楚軍自初從自初從高祖至天下定凡六出奇計定封曲逆侯惠帝時為左丞相呂后時為

右丞相又相文帝乃薨

前漢李廣隴西成紀人世世受射法武帝時拜右北平太守匈奴號曰漢飛將軍避之數歲不入界廣出獵見草中石以為虎而射之中石没矢言矢入視之石也他日射終不能入廣歷七郡太守前後四十餘年得賞賜輒分其戲下戲讀日磨飲食與士卒共之寬緩不苛士樂為用元狩中為前將軍從大將軍衛青擊匈奴惑失道青欲上書報天子失軍曲折師古云曲折猶委曲也長史責廣之幕府幕府衛青行軍府師古云簿謂廣謂其麾下曰廣結髮與匈奴大小七十餘戰結髮謂始冠也今又迷失道豈非天哉且廣年六十餘不能復對刀筆吏矣師古云古者用簡牒以刀削書故吏皆以刀筆自隨也遂引刀自剄百姓聞之知與不知老壯皆為垂泣贊曰李將軍恂恂如鄙人

師古云。恂。口不能出。辭。及死之日。天下不知。與不知。皆為流涕。彼其中心。誠信於士大夫也。諺曰。桃李不言。下自成蹊。此言雖小。可以喻大。師古云。桃李以華實。致成。以誠信。能使感。

陳遵投轄

山簡倒載

前漢陳遵字孟公。杜陵人。為京兆史。放縱不拘。禮節。後為校尉。擊賊有功。封嘉威侯。居長安中。列侯近臣貴戚。皆貴重之。牧守當之。官及郡國豪傑。至京師者。莫不相因。到遵門。遵嗜酒。每大飲。賓客滿堂。輒關門。門。閉。取客車轄。投井中。雖有急。終不得去。

列傳十三

晉山簡字季倫。司徒濤之子。溫雅有父風。永嘉中。為征南將軍。鎮襄陽。四方寇亂。天下分崩。朝野危懼。簡優游卒歲。唯酒是耽。諸習氏荆土豪族。有佳園池。後漢侍中習郁。依范蠡養魚法。作魚

池。所謂習家池。是也。簡每出。多之池上。置酒輒醉。名之曰高陽池。漢酈生自稱高。時有童兒歌曰。山公出何許。許所

往。至高陽池。日夕倒載歸。酩酊無所知。酩酊。醉甚貌。醉時時能騎

馬。倒著白接羅。羅一作羅。接舉鞭向葛強。何如并州兒。并強

州人。故呼強家。在并州。簡愛將也。

淵客泣珠

交甫解佩

舊注引博物志云。鮫人從水中出。向人家寄住。積日賣綃。

綃。生白繒。其輕薄如蟬翼。云。臨去。從主人索器。泣而出珠。滿盤以與主

人。今本無載。今行於世。左思吳都賦云。泉室潛織。而卷綃。

淵客慷慨而泣珠。淵客。蓋鮫人也。述異記曰。南海中有鮫

人室。水居如魚。不廢機織。其眼能泣。則出珠。

列仙傳。江妃二女。皆麗服華裝。佩兩明珠。大如雞卵。遊於

三卷

江漢之湄。逢鄭交甫。交甫說之。不知其神也。遂下與言曰。願請子之佩。二女解佩以與。交甫受而懷之。趨去數十步。視其懷。空無佩。顧二女。忽然不見。

龍其勝不屈

孫寶自劾

前漢龔勝字君實。舍字君倩。楚人。二人相友。並著名節。世謂楚兩龔。哀帝時。勝為光祿大夫。王莽秉政。乞骸骨。莽後遣使。即拜講學祭酒。師古云。即就也。稱疾不應。復遣使者奉璽書太子。師友祭酒。印綬安車駟馬。與郡太守縣長吏官屬諸生千人以上。入里致詔。勝稱病篤。東首加朝服。挖紳也。師古云。挖。引也。紳。大帶也。勝曰。吾受漢家厚恩。亡以報。今老且暮。入地。誼豈以一身事二姓。下見故主哉。語畢。不開口。飲食積十四日。死。舍通五經。拜太山太守。數月乞骸骨。

哀帝使使者拜光祿大夫。數賜告。終不起。舍勝歸鄉二千石長吏。初到官。皆至其家。如師弟子之禮。

列傳 四十一

前漢孫寶字子嚴。潁川鄆陵人。以明經為郡吏。御史大夫張忠辟為屬。欲令授子經。寶自劾去。有。上狀。自劾。後署主簿。寶徙入舍。忠怪。使所親問曰。前大夫為君設除。大舍。師古。謂修飾。掃除。子自劾去者。欲為高節也。今兩府高士。丞相御俗。不為主簿。子既為之。徙舍甚說。何前後不相副也。寶曰。高士不為主簿。而大夫君以寶為可。一府莫言非士安。得獨自高。前日君男欲學文。師古云。文。謂書也。移寶自近。禮有來學。義無往教。道不可誦。身誦何傷。且不遭者。師古云。士不遭。遇知已。不為况主簿乎。忠聞之。慙。上書薦寶。平帝時為大司農。

呂安題鳳

子猷尋戴

世說曰。嵇康與呂安善。每一相思。千里命駕。安後來。值康不在。喜出戶。延之。之喜。康不入。題門上。作鳳字。而去。喜不覺。不覺。猶以為忻。鳳字。凡鳥也。意以為凡鳥。不覺。已。猶以為忻。鳳字。凡鳥也。

晉王徽之字子猷。右軍羲之之子。性卓犖。不羈。卓犖。超絕。不羈。不

也。拘。為大司馬桓溫參軍。蓬首散帶。蓬首。髮不櫛也。不綜。府

也。綜。理。嘗寄居空宅中。寄居。非久。住宅。便令種竹。或問其故。徽之

但嘯詠。指竹曰。何可一日無此君邪。嘗居山陰。夜雪初霽。月色清朗。四望皓然。獨酌酒。詠左思招隱詩。忽憶戴逵。時逵在剡。逵。隱者也。故詠招隱詩。憶便夜乘小船詣之。經宿方至。造門不前。而反。人問其故。曰。本乘興而行。興盡而反。何必見安道邪。安道。逵字。官至黃門侍郎。

董宣彊項

翟璜直言

後漢董宣字少平。陳留圉人。光武時。為洛陽令。時湖陽公主蒼頭。漢名。奴曰蒼頭。白日殺人。匿主家。吏不能得。及主出。以奴驂乘。奴向。蒼頭也。宣候之。駐車叩馬。叩。與扣通。牽馬也。大言數主之失。數責叱。奴下車。因格殺之。格。殺也。不用器械。而白手殺之也。主訴帝。帝怒。召宣欲笞殺之。宣叩頭曰。願一言而死。曰。陛下聖德中興。而縱奴殺良人。何以理天下。臣不須笞。請自殺。即以頭擊楹。流血被面。帝使宣謝主。宣不從。強使頓之。兩手據地。終不肯俯。主曰。文叔為白衣時。藏亡匿死。亡。亡命。死。死罪。吏不敢至門。今為天子。威不能行。一令乎。帝笑曰。天子不與白衣同。因勅強項令出。賜錢三十萬。宣悉以班諸吏。由是搏擊豪強。京師號為臥虎。歌之曰。枹鼓不鳴董少平。注云。枹。擊鼓。杖也。字从木。喻也。宣不服。董也。文叔光武字也。

新序曰。魏文侯與士大夫坐。問曰。寡人何如君也。羣臣皆曰。君仁君也。次至翟璜。曰。君非仁君也。君伐中山。不以封君之弟。而以封君之長子。臣以此知之。文侯怒。逐璜。璜起而出。次至任座。文侯問之。對曰。君仁君也。臣聞其君仁者。其臣直。向翟璜之言直。是以知也。文侯曰。善。召翟璜入。拜為上卿。舊本翟璜誤作任座。

紀昌貫虱

養由號援

列子曰。甘蠅。古之善射者。設弓而獸伏。鳥下。言獸鳥不取逸。飛衛學射於甘蠅。而巧過其師。紀昌學射於飛衛。衛曰。爾先學不瞬。瞬。目自動也。而後可言射。昌歸。偃臥。其妻之機下。以目承牽挺。注云。牽挺。機。躡也。隨足上下者也。二年之後。雖雖末倒。皆而不瞬。以告衛。衛曰。未也。學視而後可視。小如大。視微如著。而後告。

我。昌以鼈懸虱於牖。而望之。鼈。長毛也。旬日之間。寢大也。三年之後。如車輪焉。以視餘物。皆丘山也。乃以燕角之弧。朔蓬之筈射之。筈。箭筈也。以燕之角為弓。以蓬之為筈。此弓矢之精者。貫虱之心。而懸不絕。舊本紀昌誤作甘蠅。

淮南子曰。楚王有白猿。自射之。則搏矢而熙。熙。戲也。使養由基射之。養由基。楚善射者也。始調弓。矯矢。未發而猿擁樹號矣。

馮衍歸里

張昭塞門

後漢馮衍字敬通。京兆杜陵人。幼有奇才。博通羣書。王莽時。不肯仕。常好倣儻之策。倣。與侗同。解見于前。莫能聽用。其謀衛尉陰興等。以外戚貴顯。深重衍。遂與交結。由是為諸王所聘。請尋為司隸從事。光武懲西京外戚賓客。故皆以法繩之。由此得罪。而歸故郡。閉門自保。不敢與親故通。顯宗即

訓訓

訓訓

訓訓

位又多短行以文過其實遂廢於家培壞於時也培與坎同坎壞不得也然有大志居常慷慨歎曰衍少事名賢經歷顯位懷金垂紫注云金金印也紫謂綬也揭節奉使揭持不求苟得常有凌雲之志凌與三公之貴千金之富不槩於懷注云槩猶屑也貧而不哀賤而不恨猶庶幾名賢之風脩道德於幽冥之路幽冥人地以終身名為後世法

吳志張昭字子布彭城人博覽眾書孫權拜輔吳將軍昭每朝見辭氣壯厲義形於色權以公孫淵稱藩稱藩遣張彌許晏至遼東拜淵為燕王昭諫不用稱疾不朝權恨之士塞其門昭又於內以土封之淵果殺彌晏權數慰謝昭昭固不起權因出過其門呼昭昭辭疾篤權燒其門欲以怨之昭更閉門權使人滅火住門良久昭諸子共扶昭起

權載以還宮深自克責克責己之私也責自責也昭不得已然後朝會昭容貌矜嚴有威風莊以持矜權常曰孤與張公言不敢妄也舉朝憚之

蘓韶鬼靈

盧充幽婚

三十國春秋曰中牟令蘓韶卒後從弟節見韶乘馬晝日而行著黑介幘黃綵單衣幘韜髮巾也貴賤皆服之文官者長耳謂之介幘武官短耳階禮儀志云文者短耳謂之平頭幘節因問幽冥之事韶曰死者為鬼俱行天地之中在人間而不與生者接顏回卜商今見為修文郎冥官修文郎死之與生略無有異死虛生實此有異爾言終而不見

舊注引孔氏志怪曰漢盧充范陽人家西四十里有崔少府女墓充因獵逐麋忽見朱門官舍有人迎充見崔使見

府云近得公尊府君書為君娶吾小女故相邀耳將書示充以盧充父乃以父手札充父亡時雖小於東廂引充相見成禮禮成婚留三日臨別謂充曰君婦有娠矣生男則當還之贈充衣衾令車送之充至家經三年三月三日臨水戲忽見水上二犢車短轆車也乍沈乍浮既達于岸充視車中見崔氏與三歲小兒共載其別車即崔少府也抱兒還充及詩一首金梳一枚俄而不見及兒長成後歷任數郡

震畏四知

秉去三惑

後漢楊震舉茂才茂才解見于陳雷膠漆造四遷荊州刺史東萊太守當之郡道經昌邑故所舉荊州茂才王密為昌邑令謁見至夜懷金十斤以遺震震曰故人知君故人自謂震君不知故

人何也密曰暮夜無知者震曰天知神知我知子知何謂無知密愧而出性公廉不受私謁子孫蔬食步行故舊或欲令為開產業震不肯曰使後世稱為清白吏子孫以此遺之不亦厚乎震安帝時為大尉為中常侍樊豐所譖而卒譖毀也

附于楊震傳

後漢楊秉字叔節震中子也桓帝時為大尉每朝廷有得失輒盡忠規諫多見納用秉性不飲酒又早喪夫人遂不復娶所在以淳白稱忠淳清白嘗言曰我有三不惑酒色財也

柳下直道

叔教陰德

論語曰柳下惠為士師三黜也黜退也人曰子未可以去乎曰直道而事人焉往而不三黜枉道而事人何必去父母之邦

微子篇

賈誼新書曰。孫叔敖為嬰兒。出遊而還。憂而不食。其母問其故。泣而對曰。今日吾見兩頭蛇。恐去死無日矣。母曰。今蛇安在。曰。吾聞見兩頭蛇者。死。吾恐他人又見。已埋之矣。母曰。無憂。汝不死。吾聞之。有陰德者。天報以福。見而埋之。即陰德也。人聞之。皆喻其為仁也。及為令尹。令尹執政。官未治而國人信之。列女傳曰。有陰德者。陽報之。德勝不祥。仁除百禍。天之處高。聽卑。爾必興於楚。及長。為令尹。老終。

張湯巧詆

杜周深刻

前漢張湯。杜陵人。為廷尉。舞文巧詆。弄也。詆。誣也。其造請諸公。師古云。造。至詣也。請。謁問也。不避寒暑。是以湯雖文深意忌。不專平。文法也。請謁問也。不避寒暑。是以湯雖文深意忌。不專者。喻鳥之用爪。獸之用牙。依於文學之士。每朝奏事。語國

家用。日。肝。天子忘食。師古云。肝。晚也。論。丞相。取。充位。天下事皆決。湯。百姓不安。其生。騷動。縣官所興。未獲其利。姦吏並侵漁。師古云。漁。者。於是痛繩。以臯。後為御史以下。至庶人。咸指湯。成。以為張湯之所致也。大夫坐事自殺。初。湯父為長安丞。出湯為兒。守舍。還鼠盜肉。父怒。笞湯。湯掘。熏得鼠及餘肉。劾鼠掠治。掠。笞窮罪也。傳爰書訊鞠論報。師古云。傳。謂傳逮。追送。赴對也。爰。換也。謂。謂上論之。而獲報也。并取鼠與肉具獄。磔堂下。洽獄之文。而磔鼠也。父見之。視文辭。如老獄吏。大驚。遂使書獄。如淳獄令也。律。律令也。

前漢杜周。南陽杜衍人。少言重遲。師古云。遲。謂而內深。次

李奇云。其用為廷尉。其治倣張湯。上所欲擠者。因而陷

之師古云。上所欲釋。久繫待問。而微見其寃狀。客謂周曰。君為天下決平。不循三尺法。孟康云。以三尺法。專以人意指為獄。周曰。三尺安出哉。安焉。前主所是者為律。後主所是。疏為令。師古云。著謂明表也。當時為是何古之法乎。後為私遷御史大夫。兩子夾河為郡守。兩子家資累巨萬。治皆酷暴。唯少子延年行寬厚云。

三王尹京

一鮑糾慝

前漢王駿。諫大夫吉之子。以孝廉為郎。成帝欲大用之。出為京兆尹。試以政事。先是京兆有趙廣漢。張敞。王尊。王章。至駿皆有能名。故京師稱曰。前有趙張。後有三王。王尊。王駿。終御史大夫。章字仲卿。泰山鉅平人。遷諫大夫。在朝廷。

列傳

名敢直言。成帝選為京兆尹。時帝舅王鳳輔政。專權。會日食。章奏封事。召見。言鳳不可任用。宜選忠賢。上不忍退鳳。章遂為鳳所陷。初章為諸生。學長安。疾病無被。被。寢衣也。卧牛衣中。師古云。牛衣。編亂麻為之。與妻決。涕泣。師古云。自謂將死。故辭決。妻呵怒之。曰。責而使憤發也。京師尊貴在朝廷。誰踰仲卿者。今不自激。印。如淳云。激。印。激。乃反。涕泣。何鄙也。後欲上封事。言事。欲以達。謂妻又止之。曰。人當知足。獨不念牛衣中涕泣時邪。章曰。非女子所知也。書上。果下獄。死。死非其罪。衆庶寃之。

列傳

後漢鮑永。字君長。上黨屯留人。少有志操。事後母至孝。妻嘗於母前。叱狗。永即去之。禮尊者之前。不叱狗。永建武中為司隸校尉。乃辟扶風鮑恢為都官從事。恢亦抗直。不避。

強禦強禦強梁禦善也帝嘗曰貴戚且歛手避二鮑其見憚如此父宣哀帝時為司隸校尉為王莽所害子昱中元初亦拜司隸校尉章帝時官至大尉

孫康映雪

車胤聚螢

孫氏世錄曰孫康康家貧無油常映雪讀書少小清介堅不孫拔交遊不雜後至御史大夫

三季

晉車胤字武子南平人恭勤不倦博覽多通家貧不常得油夏月則練囊盛數十螢火以照書以夜繼日焉桓温在荊州辟為從事以辯識義理深重之稍遷征西長史征西長遂顯於朝廷時武子與吳隱之以寒素博學知名于世將清儉質素又善於賞會談論集飲當時每有盛坐盛坐盛而武子不在皆云無車公不樂終吏部尚書

李充四部

并春五經

三季

晉書李充字弘度江夏人善楷書妙參鍾索鍾繇索靖世咸重之褚裒引為參軍充以家貧苦求外出裒將許之為縣試問之試以其充曰窮猿投林豈暇擇木乃除剡縣令後為著作郎時典籍混亂充刪除煩重以類相從分作四部史經集秘閣以為永制累遷中書侍郎

三季

後漢并丹字太春扶風郿人少受業大學通五經善談論京師為之語曰五經紛綸并太春後漢書注紛綸猶浩博也性清高未嘗修刺候人建武末沛王輔第五王沛王輔東海王彊楚居北宮皆好賓客更請丹不能致信陽侯陰就光烈皇王后弟也以外戚貴盛乃詭說五王求錢千萬詭詐約能致丹而別使人要劫之丹不得已既至就故為設麥飯蔥葉

之食丹推去之曰以君侯能供甘旨故來相過何其薄乎更置盛饌乃食及就起左右進輦丹笑曰吾聞桀駕人車豈此邪坐中皆失色就不得已令去輦自是隱閉不關人事

徐狀元補注蒙求卷上

